

Vertical text on the left edge, likely bleed-through from the reverse side of the page. The characters are faint and difficult to read, but appear to be in Chinese or Japanese.

天... 卷... 訂

...



...

石湖詩集吳郡珍藏欣賞出自名家較勘悉遵
善本篇章完好曾無蠹蝕之侵剗刷精工豈有
豪端之誤昔杜少陵之全橐雅尚草堂韓吏部
之遺文尤推祕閣在傳書固應若此諒識者自
能辨之謹白

姑蘇顧府發允住
大街東鸚哥巷內



朔公替辦賜鑒日前侍

教為慰頃欣得銅井為吳縣顧肇熙別
號肇熙字韓民号海庭南雅先生之從也
孫同治甲子舉人官出臺灣道並按察使銜
晚居木渚事蹟詳新吳縣志卷六十六下四十二
頁石湖詩集乃其手批述之久久如祥牲氏
公聞當亦欣喜北郭集及澄觀集乞
復中賜借補鈔俟訪旬日間即可寫竟在

石湖詩集吳郡珍藏欣賞出自名家較勘悉遵
善本篇章完好曾無蠹蝕之侵剝刷精工豈有
豪端之誤昔杜少陵之全橐雅尚草堂韓吏部
之遺文尤推祕閣在傳書固應若此諒識者自
能辨之謹白

姑蘇顧府發允住
大街東鸚哥巷內



朔公替辦賜鑒日前詩

教為慰頌攷得銅井為吳縣顧肇熙別
號肇熙字皞民号綽庭南雅先生之從也
孫同治甲子舉人官出嘉善道並按察使銜
晚居木渚事蹟詳新吳縣志卷六十四上
頁石湖詩集乃其手批逐之久久如祥牲氏
公聞者亦欣喜北郭集及澄觀集乞
夜中賜借補鈔俟訪旬日間即可寫竟在


趙也玉感玉盼同鄉許澤衍投考
貴行練習生向已及格屬為一言乞
賜錄用可否仍候
鈞裁皇悚
容面泥謝肅敬
崇安

邵銳謹上
四月二日

目下
第一

樓

小圃



予時昔之晨與客見一建
庭下呼
文集在
不自
而先公一夕奄忽棄其孤
託之重任在方先公之疾
數年成集凡若干卷遠斯
日集不可以無序篇有序
各字之友惟江西楊誠齋
以屬斯事小承識之若輩
敢言惟先生來而語之予

陳氏文獻
氏大印
梅溪圖記

序

予疇昔之晨與客坐堂上遙見一健步黃衣負一笈至庭下呼而誦其奚自曰自參政公范氏也發其笈公之文集在焉索其書讀之則公之子莘叩頭請曰莘不天不自實越而先公一夕奄忽棄其孤莘欲死而不敢者有先公付託之重任在方先公之疾而未病也日夜手編其詩文數年成集凡若干卷逮將易篋執莘手而授之且曰吾集不可以無序篇有序篇非序篇寧無序篇也今四海文字之友惟江西楊誠齋與吾好且我知微斯人疇可以屬斯事小子識之若莘則何敢請而先公之治命不敢墜惟先生哀而諾之予執書抱遺編而泣

梅溪圖記

曰萬里與公同年進士也公先進至爲朝廷大臣與天子論道發政坐廟堂進退百官而萬里環堵荒寒之士也何敢與公友公不我薄陋而辱友之萬里不敢拒公亦不敢以執政俟公也今忍死丁寧之託其何敢辭初公以文學材氣受知壽皇自致大用至杖漢節使強虜即其庭伏穹廬不肯起袖出私書切責之君臣大驚有自階闥之嬖竊位樞臣者其勢方震赫公沮之竟不奉詔而去其所立又有不凡者矣若夫劇心於山水風月之場彫龍於言語文章之囿此吾輩羈窮酸寒無聊不平之音也公何必能此哉古語曰爭名者必於朝爭利者必於市是二人者使之以此易彼或以彼易此二人

者其肯乎哉非不肯也不願也非不願也亦各樂其樂也詩人文士挾其所樂足以敵王公大人之所樂不啻也猶將愈之故王公大人無以傲夫士而士亦無所折於王公大人今公乃自屏其所可樂而復力爭夫士之所甚樂所謂不虞君之涉吾地者其不多取乎然公之詩文非能工也不能不工耳公風神英邁意氣傾倒拔新領異之談登峰造極之理蕭然如晉宋間人物他人夏夏吃吃而不能出諸口者公曠呻噫欠之間猝然談笑而道之則其詩文之工豈十日一水五日一石之謂也哉甚矣文之難也長於臺閣之體者或短於山林之味諧於時世之嗜者或漓於古雅之風牋奏與記序異曲

五七與千百不同調非文之難兼之者難也至於公訓
誥具西漢之爾雅賦篇有杜牧之之刻深騷詞得楚人
之幽婉序山水則柳子厚傳任俠則太史遷至於詩大
篇決流短章斂芒縛而不釀縮而不僭清新嫵麗奄有
鮑謝奔逸雋偉窮追太白求其隻字之陳陳一倡之鳴
鳴而不可得也今海內詩人不過三四而公皆過之無
不及者予於詩豈敢以千里畏人者而於公獨斂衽焉
於是文士詩人之難者易偏者兼矣其不盛矣乎嘻人
琴今俱亡矣廣陵散今此聲遂絕矣惠子不生莊子不
死復何道哉公之別墅曰石湖山水之勝東南絕境也
壽皇嘗爲書兩大字以揭之故號石湖居士云公諱成
大字至能世爲姑蘇人其世次言行職官則有少保大
觀文大丞相益公周公之銘詩在紹熙五年六月十一
日誠齋野客楊萬里謹序

石湖言集卷序
序
石湖居士范公待制敷文閣來帥成都兼制置成都潼
川利夔四道成都地大人眾事已十倍他鎮而四道大
抵皆帶蠻夷且北控秦隴所以臨制捍防一失其宜皆
足致變故於呼吸顧盼之間以是幕府率窮日夜力理
文書應期會而故時巨公大人亦或不得少休及公之
至也定規模信命令施利惠農選將治兵未數月聲震
四境歲復大登幕府益無事公時從其屬及四方之賓
客飲酒賦詩公素以詩名一代故落紙墨未及燥士女
萬人已更傳誦被之樂府弦歌或題寫素屏團扇更相
贈遺蓋自蜀置帥守以來未有也或曰公之自桂林入

序

石湖居士范公待制敷文閣來帥成都兼制置成都潼
川利夔四道成都地大人眾事已十倍他鎮而四道大
抵皆帶蠻夷且北控秦隴所以臨制捍防一失其宜皆
足致變故於呼吸顧盼之間以是幕府率窮日夜力理
文書應期會而故時巨公大人亦或不得少休及公之
至也定規模信命令施利惠農選將治兵未數月聲震
四境歲復大登幕府益無事公時從其屬及四方之賓
客飲酒賦詩公素以詩名一代故落紙墨未及燥士女
萬人已更傳誦被之樂府弦歌或題寫素屏團扇更相
贈遺蓋自蜀置帥守以來未有也或曰公之自桂林入

蜀也舟車鞍馬之間有詩百餘篇號西征小集尤雋偉
蜀人未有見者盍請於公以傳屢請而公不可彌年乃
僅得之於是相與刻之而屬游爲序淳熙三年上巳日
朝奉郎成都府路安撫司參議官兼四川制置使司參
議官山陰陸游序

宋史本傳

范成大字致能吳郡人紹興二十四年擢進士第授戶
曹監和劑局隆興元年遷正字累遷著作佐郎除吏部
郎官言者論其超躡罷奉祠起知處州陛對論力之所
及者三曰日力曰國力曰天力今盡以虛文耗之上嘉
納處民以爭役囂訟成大爲勅義役隨家貧富輸金買
田助當役者甲乙論第至二十年民便之其後入奏言
及此詔頒其法於諸路處多山田梁天監中詹南二司
馬作通濟堰在松陽遂昌之間激漢水四十里溉田二
十萬畝堰歲久壞成大訪故迹疊石築防置堤闕四十
九所立水則上中下溉灌有序民食其利除禮部員外

石澗言集本傳
郎兼崇政殿說書乾道令以絹計贓估價輕而論罪重
成大奏承平時絹匹不及千錢而估價過倍紹興初年
遞增五分爲錢三千足今絹實貴當倍時直上驚曰是
陷民深文遂增爲四千而刑輕矣隆興再講和失定受
書之禮上嘗悔之遷成大起居郎假資政殿大學士充
金祈請國信使圖書專求陵寢蓋泛使也上面諭受書
事成大乞并載書中不從金返使者慕成大名至求中
憤效之至燕山密章奏具言受書式懷之入初進國書
詞氣慷慨金君臣方傾聽成大忽奏曰兩朝旣爲叔姪
而受書禮未稱臣有疏措笏出之金主大駭曰此豈獻
書處耶左右以笏標起之成大屹不動必欲書達旣而

歸館所金主遣伴使宣旨取奏成大之未起也金庭紛
然太子欲殺成大越王止之竟得全節而歸除中書舍
人初上書崔寔政論賜輔臣成大奏曰御書政論意在
飭綱紀振積敝而近日大理議刑遞加一等此非以嚴
致平乃酷也上稱爲知言張說除簽書樞密院事成大
當制留詞頭七日不下又上疏言之說命竟寢知靜江
府廣西窘匱專藉鹽利漕臣盡取之於是屬邑有增價
抑配之敝詔復行鈔鹽漕司拘鈔錢均給所部而錢不
時至成大入境曰利害有大於此乎奏疏謂能裁抑漕
司強取之數以寬郡縣則科抑可禁止從之數年廣州
鹽商上書乞復令客販宰相可其說成大出銀錢助之

人多以為非下有司議卒不易成大說舊法馬以四尺三寸為限詔加至四寸以上成大謂互市四十年不宜驟改除敷文閣待制四川制置使疏言吐蕃青羌兩犯黎州而結蕃列等尤桀黠輕視中國臣當教閱將兵外修堡砦仍講明教閱團結之法使人自為戰三者非財不可上賜度牒錢四十萬緡成大謂西南諸邊黎為要地增戰兵五千奏置都監路分吐蕃入寇之路十有八悉築柵分戍結擾安靜砦發飛山軍千人赴之料其三日必遁已而果然白水砦將王文才私娶蠻女常導之寇邊成大重賞檄羣蠻使相疑貳俄禽文才以獻即斬之蜀北邊舊有義士三萬本民兵也監司郡

守雜役之都統司又俾與大軍更戍成大力具其不可詔遵舊法蜀知名士孫松壽年六十餘樊漢廣甫五十九皆挂冠不仕表其節詔召之皆不起蜀士由是歸心凡人才可用者悉致幕下用所長不拘小節其傑然者露章薦之往往顯於朝位至二府召對除權吏部尚書拜參知政事兩月為言者所論奉祠起知明州奏罷海物之獻除端明殿學士尋帥金陵會歲旱奏移軍儲米二十萬賑飢民減租米五萬水賊徐五竊發號靜江大將軍捕而戮之以病請閒進資政殿學士再領洞霄宮紹熙二年加大學士四年薨成大素有文名尤工於詩上嘗命陳俊卿擇文士掌內制俊卿以成大及張震對

自號石湖有石湖集攬轡錄桂海虞衡集行於世

[Faint bleed-through text from the reverse side of the page, including characters like '自號石湖', '攬轡錄', '桂海虞衡', '集行於世']



石湖居士詩集目次

嗣協迂客



吳郡

顧嗣臯漢魚

重訂

嗣立俠君

卷一 四十六首

詩四十六首

卷二 四十三首

詩五十四首

卷三 五十一首

詩六十三首

卷四 六十六首

詩六十七首

卷五 六十一首

詩五十一首

卷六 五十四首

詩四十三首

卷七 四十六首

詩四十九首

卷八

詩五十二首

卷九

詩五十一首

卷十

詩五十九首

卷十一

詩六十五首

卷十二

詩七十二首

卷十三

詩四十四首

卷十四

詩五十四首

卷十五

卷十九 詩六十九首

卷十六 詩六十四首

卷十七 詩六十五首

卷十八 詩六十九首

卷十九 詩六十四首

卷二十 詩六十九首

卷二十一 詩六十首

卷二十二 詩五十二首

卷二十三 詩八十四首

卷二十四 詩六十首

卷二十五 詩四十二首

卷二十六 詩七十三首

卷二十七 詩六十三首

卷二十八 詩六十三首

卷二十九 詩六十三首

卷三十 詩六十三首

卷三十一 詩六十三首

卷三十二 詩六十三首

卷三十三 詩六十三首

卷三十四 詩六十三首

卷三十五 詩六十三首

卷三十六 詩六十三首

卷三十七 詩六十三首

詩五十六首

卷二十七

詩七十九首

卷二十八

詩七十五首

卷二十九

詩五十首

卷三十

詩三十三首

卷三十一

詩五十一首

卷三十二

詩五十七首

卷三十三

詩三十九首

卷三十四

賦六首

楚辭四首

卷三十五 續出

詞

石湖詩集三十三卷凡古今各體詩一千九百一十六首范文穆公手自編定宋嘉泰間其子莘等

刻以行世合詩文凡百有三十卷明時曾已重刻而流傳頗少又有活板印本殘闕甚多今藏書家多有抄本而訛舛異同魯魚錯出吾友金子亦陶所藏從宋板抄得更爲廣集諸家較勘精密可稱善本茲先刻其詩集以公諸同好卷帙前後悉依原本所編其間譌字如井聖木刊之悞聖爲聖弔靡波流之悞弔爲弟皆略爲改正所有一二漶漫之處無從辨證姑闕之以俟攷外附賦楚辭一卷樂府一卷賦本在詩前今附於詩後者集以詩名從其類也嗟乎自文穆公至今四百有餘年矣而詩篇在是聲光爛然亦可以見吳下之風流其淵

源至今弗絕也康熙戊辰八月中秋前一日依園主人謹識

石湖居士詩集目次

終



石湖居士詩集卷一

嗣協迂客



吳郡

顧嗣臯漢魚

重訂

嗣立俠君

行路難

贈君以丹棘忘憂之草青棠合歡之花馬腦遊仙之夢
枕龍綜辟寒之寶紗天河未翻月未落夜長如年引春
酌昔人安在空城郭今夕不飲何時樂

西江有單鵠行

西江有單鵠託身萬里雲猥為稻梁謀墮此鷗鷺羣朝
遊楓葉杪暮宿蘆花根懷安浦澍暖忘記雲海寬忽有

孤征鴻驚飛落江濱眼明見黃鵠解后傾情真羽毛雖
不同意氣頗相親言鵠有六翮何不高飛翔水鳥不足
羣朝暮徒嘲喧相將乘風去一上盤秋旻渴飲顛露滋
飢吸晴霞暎方知翅翎俊可以凌埃塵東風昨解凍春
光暖如薰陽鳥當北鄉行止倏已分儻欲相逐去關山
隔吳秦兩鳥竟分飛鳴聲動行人豈不有歲晚鴻當復
來賓但愁山海闊岐路多糾紛復來失故道那得相知
聞鴻歸有儔侶鵠住長悲辛

車遥遥篇

車遥遥馬憧憧君遊東山東復東安得奮飛逐西風願
我如星君如月夜夜流光相皎潔月暫晦星常明留明

待月復三五共盈盈

○放魚行

水落塘枯魚臥陸小兒抱取不濡足昂藏赤鯁亦垂頭
背負玄鱗三十六家人滌砧不辭勞云有素書金錯刀
嗟予贖放豈徼福忍把汝命供吾饗如今已脫張胡子
好上龍門飲湖水不然崛起載飛仙切莫顛狂稱長史

晚步東郊

水墨依林寺青黃負郭田斜陽猶滿地片月早中天策
策鴉飛急冥冥樹影圓西山元自好那更著雲煙

元夜憶羣從

愁裏仍蒿徑間中更華門青燈聊自照濁酒爲誰溫隙

月知無夢窓梅寄斷魂遙憐好兄弟飄泊兩江村

登西樓

少年豪氣合摧鋒青鬢朱顏萬事情疇昔四愁無夢到
及時一笑有誰供詩情飲興如雲薄草色花光似酒醲
千里春心吟不盡下樓分付晚煙鐘

不寐

南風釀卑濕滑滑病履烏竟日隱几坐拳局不得適丹
田恍瀕洞銀海眩眊黑髀弱類跨鞍臂強如運甓合體
競酸嘶莫夜輒增極奏牀不得眠耿耿到明發黃妳共
住久來夢乃其職睡魔吾故人曩是不速客招呼各偃
蹇莫効尺寸力周公無由來咫尺今古隔彭尸不得去

大業拾遺錄場帝
命宮娥韓俊娥
為來夢見

置騎無行色主客兩愁緒虛室浪生白人言老禪師兩
脇不到席茲事恐未暇但願了今夕平生北窓眠栩栩
即聖域睡僊吾所慕行步亦斲息

河豚歎

鰕生藜苳腸食事一飽足腥腐色所難況乃衷醜毒彭
亨強名魚殺氣孕慘黷既非養生具宜謝砧几酷吳儂
真差事網索不遺育捐生決下箸縮手汗童僕朝來里
中子饒吻不待熟濃睡喚不應已落新鬼錄百年三寸
咽水陸富肴藪一物不登俎未負將軍腹為口忘計身
饕死何足哭作俑者誰與至今走末俗或云先王意除
惡如菽菽逆臬與毒獍歲歲參幣玉芟夷入薦羞蓋欲

此暗用白鳳銜書
諭楊太真事見
滿湘錄

面陽旗垣天寶末
交趾有龍腦時風
吹貴妃領巾於臂懷
智巾上良久方換
惟知歸裝滿身
香氣非此常乃却
頭置於錦囊
中及上皇復宮闈
追思安妃不遺智

乃進所貯幃頭具
奏他日事上皇
囊泣曰此瑞龍腦
香也
昌黎集金池詩云
泥金淺水誰改池夜
半蛙聲聖得知
所知竊初見之本也

殲種族生死有定數斷命烏可續適丁是時者未易一
理局寵鼎子公怒羊羹華元舛異味古所珍無事苦畏
縮駢頭証此語戒諭祇取瀆聾盲死不悟明知諒已燭
續長恨歌七首

金杯激灑曉粧寒國色天香勝牡丹白鳳詔書來已暮
六宮鉛粉半春闌

紫薇金屋閉春陽石竹山花却自芳莫道故情無覓處
領巾猶有隔生香

聞道蓬壺重見時瘦來全不耐風吹無端却作塵間念
已被仙官聖得知

此見陳鴻長恨歌傳

別後相思夢亦難東虛雲路海漫漫仙凡頓隔銀屏影

不似當時取次看

人似飛花去不歸蘭昌宮殿幾斜暉百年只有雲容姊

留得當時舊舞衣

張雲容事見太平廣記卷十九

驪山六十二高樓突兀華清最上頭玉羽川長湘浦暗

三郎無事更神遊

帝鄉雲馭若為留八景三清好在不玉笛不隨雙鶴去

人間猶得聽梁州

雷雨鄰舍起龍

雨工避事欲蟠泥帝遣豐隆執以歸連鼓一聲人失箸
不知挂壁幾梭飛

次韻唐致遠雨後喜涼

晉書陶侃傳

殲種族生死有定數斷命烏可續適丁是時者未易一
理局寵鼎子公怒羊羹華元劔異味古所珍無事苦畏
縮駢頭証此語戒諭祇取瀆聾盲死不悟明知諒已燭

續長恨歌七首

金杯激灑曉粧寒國色天香勝牡丹白鳳詔書來已暮
六宮鉛粉半春闌

紫薇金屋閉春陽石竹山花却自芳莫道故情無覓處
領巾猶有隔生香

聞道蓬壺重見時瘦來全不耐風吹無端却作塵間念
已被仙官聖得知

此見陳鴻長恨歌傳

別後相思夢亦難東虛雲路海漫漫仙凡頓隔銀屏影

此暗用白鳳銜書
諭楊太真事見
滿湘錄
西陽雜俎天寶末
交趾有龍腦時風
吹貴妃領巾於臂
帶中上良方後
懷智婦號滿身
香氣非常乃却
頭置於錦囊
中及上皇復宮
追思安妃不
已懷智

此見陳鴻長恨歌傳一條 沈注

人間猶得聽梁州

雷雨鄰舍起龍

雨工避事欲蟠泥帝遣豐隆執以歸連鼓一聲人失箸
不知挂壁幾梭飛

次韻唐致遠雨後喜涼

晉書陶侃傳

老陽作氣再三衰鼓竭之餘不支雨塞旗拔幟掃迹空
一點新涼破殘暑飛蚊薨薨已無竒蜻蜓翅淨摩天嬉
竹窓日暮轉蕭瑟喜有促織鳴聲悲

○秋日二絕

碧蘆青柳不宜霜染作滄洲一帶黃莫把江山誇北客
冷雲寒水更荒涼

新秋病骨頓成衰不度溪橋半月來無事閉門非左計
饒渠屐齒上青苔

窓前木芙蓉

辛苦孤花破小寒花心應似客心酸更憑青女留連得
未作愁紅怨綠看

嘲里人新婚

冷艷穎容一笑開休將鸞扇更徘徊篋篋細寫歸舟字
彷彿遊仙夢裏來

過松江

長虹斗起蛟龍穴朱碧欄干夜明滅太湖三萬六千頃
多少清風與明月青鷁驚飛白鷺閒丹楓未老黃蘆折
誰將橫笛叫蒼煙無限驚波翻白雪洞庭林屋舊遊處
玉柱金庭路巉絕水仙逢迎摻脩袂問我歸計何當決
去年匹馬兀春寒今此孤篷窘秋熱人生意氣得失間
輕重劒頭吹一吷莫將塵土浣朱顏却待丹砂回白髮

過平望

逸史盧生引李
生入北亭命酌曰
兼與公飛何佐酒
東坡詩善堂後酒
一城子至宋色極
龍李生祀室後
上書朱字行云天際
後歸舟雲中泊江
榜罷酒三唱曰莫
願此作婚姻亞李
生曰某好飲其年住
汴州行軍陸長源
以女嫁之既婚頗歡
盧三唱北亭好所
親者以何望後
采香朱書天際兩
向李生何從揚州
城南盧三勇事申
廷宴事妻曰作榜
見使若云仙宮進一

正公所言也
莊子則陽為夫吹
毫也則陽為夫吹
扇首其吹而已司
馬云吹於此風已

方輿紀要長安
鎮在長州府海
甯縣西北三十里
宋運道所經

寸碧闖高浪孤墟明夕陽水柳搖病綠霜蒲蘸新黃孤
嶼乍舉網蒼煙忽鳴榔波明荇葉顫風熟蘋花香雞犬
各村落蓴鱸近江鄉野寺對客起樓陰濯滄浪古來離
別地清詩斷人腸亭前舊時水還照兩鴛鴦

長安閨

斗門貯淨練懸板淙驚雷黃沙古岸轉白屋飛檐開是
間表丈許舳艫蔽川來千車擁孤隧萬馬盤一坏篙尾
偪仄誰肯少徘徊傳呼津吏至弊蓋凌高埃囁嚅議譏
征叫怒不可裁吾觀舟中子一一皆可哀大為聲利驅
小者飢寒催古今共來往所得隨飛灰我乃畸於人胡

為乎來哉

榮木 并序

卧病十日綠陰滿庭因誦淵明榮木詩其序曰日月
推遷已復有夏總角聞道白首無成犁然有感乃和
其韻

薰風南來木榮於茲木榮幾時黃落從之逝其須臾坐
成四時今我不學殆其已而天旋地遊日 其根形息
氣徂不亡者存去鄉離家莫肯過門猗歟先師不我疵
陋褰衣示珠俾我復舊自我來歸十年不富孰蠹孰蠱
惟汝自疚冉冉榮木霜華將墜天黑路長屹蹶可畏隸
也不力奚取六驥脂車着鞭一息而至

兩木 并序

壬申五月卧病北窓惟庭柯相對手植綠橘枇杷森
然出屋枇杷已著子橘獨十年不花各賦一詩

枇杷昔所嗜不問甘與酸黃泥裏餘核散擲籬落間春
風拆勾萌樸檄如榛菅一株獨成長蒼然齊屋山去年
小試花瓏瓏犯冰寒化成黃金彈同登桃李盤大鈞播
羣物斡旋不作難樹老人何堪挽鏡覓朱顏頷髭爾許
長大笑歎巾冠

綠橘生西山得自髯翁家云此接活根是歲當著花俛
仰乃十霜垂蠹紛相遮芳意竟寂莫枯枝謾槎牙風土
諒非宜翁言豈予夸會令返故山高深謝汗邪石液滋
舊根山英擢新葩黃團挂霜實大如崆峒瓜當有四老
人來駐七香車

道中

月冷吟蛩草湖平宿鷺沙客愁無錦字鄉信有燈花蹤
跡隨風葉程途犯斗槎君看枝上鵲薄暮亦還家

落鴻

落鴻聲裏怨關山淚濕秋衣不肯乾只道一番新雨過
誰知雙袖倚樓寒

題山水橫看二首

煙山漠漠水漫漫老柳知秋渡口寒盡是西溪腸斷處
憑君將與故人看

橘中叟事見
玄怪錄太平廣
記卷四十一引
此題脫字

石湖詩集卷一
霜入丹楓白葦林橫煙平遠暮江深君看鴈落帆飛處
知我秋風故國心

瑞香花

萬粒叢芳破雪殘曲房深院閉春寒紫紫青青雲錦被
百疊薰籠晚不翻酒惡休拈花藥嗅花氣醉人醲勝酒
大將香供惱幽禪恰在蘭枯梅落後

讀史

登壇策劉項卧廬料曹孫探懷取事業一一如印圈英
豪蓋天資八極入控搏由來事成毀只繫手覆翻玉虹
朝貫日劔氣夜燭天雖欲避功名何處蟄龍鸞我生後
千載愚暗難具言長大但食粟閔凶不能文麥豆已難

辨楣椽固不分抱瓮灌圃畦截竿避城門智略類如此
何以超籬籓龜剗始神筴木斷方犧尊朝市有機穿冠
裳或鉗髡茲事定不吾其老泥蟠敢云善用短聊復
強自寬

浙江小磯春日

客裏無人共一杯故園桃李爲誰開春潮不管天涯恨
更捲西興暮雨來

代聖集贈別

一曲悲歌水倒流尊前何計緩千憂事如夢斷無尋處
人似春歸挽不留草色粘天鷓鴣恨雨聲連曉鷓鴣愁
迢迢綠浦帆飛遠今夜新晴獨倚樓

二月三日登樓有懷金陵宣城諸友

百尺西樓十二欄日遲花影對人間春風已入片時夢
寒食從今數日間折柳故情多望斷落梅新曲與愁關
詩成欲訪江南便千里煙波萬疊山

寒食郊行書事二首

野店垂楊步荒祠苦竹叢鷺窺蘆箔水鳥啄紙錢風媪
引濃粧女兒扶爛醉翁深村時節好應為去年豐
隴麥欣欣綠山桃寂寂紅帆邊漁蕩浪木末酒旗風信
步隨芳草迷途問小童賞心添脚力呼渡過溪東

初夏二首

清晨出郭更登臺不見餘春只麼回桑葉露枝蠶向老

傳燈錄禮道歌不可少只麼

得

菜花成莢蝶猶來

晴絲千尺挽韶光百舌無聲燕子忙永日屋頭槐影暗
微風扇裏麥花香

夏夜

脉脉惜佳夜泠泠成浩歌儻無詩句子將奈月明何露
氣濛花重風聲入樹多清歡殊未辦桂影墮江波

與時敘現老納涼池上時敘誦新詞甚工

會心不在遠頃步便得之長風吹月來清影落半池屋
頭見木葉玲瓏剪琉璃紅塵絆兩足大笑兒輩癡老禪
挽我遊高論方軒眉潘郎忽鼎來談詩解人頤晚誦雲
髻篇濯濯餘春姿想見篇中人清潤如君詩笑我兩枯

頃當作頤見

荀子勸學篇

揚倏注半步

曰頤與陸同
此其字用頤師
聽說言方來也

木獨與三冬期

林元復輓詩

胸次崢嶸滿貯書十年名字滿江湖張公閱世詩千首
揚子傳家宅一區謾道春風須得意那知秋雨不成珠
自從雪魄冰魂散魯國今誰更服儒

戲贈少梁

屈膝銅鋪晝掩關薰爐誰伴夕香寒秋來合有相思字
會待風前片葉看

南徐道中

以下赴金陵漕試作

生憎行路與心違又逐孤帆擘浪飛吳岫湧雲穿望眼
楚江浮月冷征衣長歌悲似垂垂淚短夢紛如草草歸

典此紀錄鎮江
亦晉文帝渡
江於此白傷置
徐文二相宋太
宗潘徐始治東南
宛州治廣陵

若有一廬供閉戶肯將篋舫換柴扉

石湖居士詩集卷一

石湖居士詩集卷二

望金陵行闕

聖代規模跨六朝行宮臺殿壓金鰲三山落日青鸞近
雙闕清風紫鳳高石虎蹲江蟠王氣玉麟湧地鎮神臯
太平不用千尋鎖靜聽西城打夜濤

金陵道中

山晚黃羊隨日下天寒白犢弄風歸愁埃百轉西州路
笑憶沙湖一棹飛

曉行官塘驛

篝燈驛吏喚人行寥落星河向五更馬上誰驚千里夢
石頭岡下小車聲

與地紀勝石子岡
寰宇記云江甯縣
南十五里

秦淮

秦水自西關如日秦淮在江甯府上元縣治東南三里

不將行李試間關誰信江湖道路難腸斷秦淮三百曲
船頭終日見方山

重九獨登賞心亭

誰教佳節滯天涯強展愁眉管物華每歲有詩題白鴈
今年無酒對黃花悠悠造化占斜日草草登臨記落霞
宇宙此身元是客不須彈鋏更思家

賞心亭再題

天險東南重兵雄百二尊拂雲千雉繞截水萬崖奔赤
日吳波動蒼煙楚樹昏向無形勝地何以控乾坤

宿義林院

暝氣昏如雨禪房冷似冰竹間東嶺月松杪上方燈驚
鶻盤金刹流螢拂玉繩明朝窮脚力連夜斬崖藤

荆公墓二首

百歲誰人巧拙一丘底處虧成半世青苗法意當年雪
竹詩情

本意治功徒木何心黨禍揚塵報讎豈教行劫作俑翻
成害仁

十月朔客建業不得與兄弟上冢之列悲感成
詩

歲已看成暮身今未得歸風塵孤淚盡霜露寸心違南
澗新流水西山舊落暉煙松應好在宿草定成非逝水

四一統志方山在府城
府東南四里取
以方印一名天印山
崇寧金陵山臨淮水
此其別處也
善也似勝賞心亭
在江甯府西下水門
城上謂建江甯
通志宋景定元年
馬光祖重建時曰
東南佳處樓

一統志王安石墓
在上元縣半山
寺後

明統志白雲亭
在常山之下
昭白雲亭
光祿寺建

方東去浮雲浪北飛危魂先自斷不待更沾衣

白鷺亭

倦遊客舍不勝間日日清江見倚闌少待西風吹雨過
更從二水看淮山

燕脂井三首

一統志景陽井在臺城內一名燕脂井通志在元初景陽樓下

昭光殿下起樓臺拚得山河付酒杯春色已從金井去
月華空上石頭來

午醉醒來一夢非忽忽玉樹逐春歸燕脂却作千年計
不似愁魂四散飛

腰支旅拒更神遊桃葉山前水自流三十六書都莫恨
煩將歌舞過揚州

旅距字見後漢書馬援傳又莊子列禦寇篇一命而招公擇文

呂鉅協貌

秦淮 并序

自金陵復泛秦淮宛轉數百曲世傳始皇東巡自江
乘渡望氣者以為金陵有天子氣乃鑿長岡引潮水
入焉號曰秦淮逶迤屈曲不類人功故又傳為龍所
開也

吳閩集柳毅置書囊中後向楊白吾不知子之牧羊何所用言非羊也而亦雷電之新

祖龍驅羣龍疏此萬丈溝雨工戀故棲十步九回頭至
今秦淮曲宛若春蛇遊舟師厭回互歎息倚柂樓維昔
東巡初八極圍寸眸天端有佳氣鬱鬱東南浮卜云當
興王在後五百秋叱咤召六丁慘淡風雲愁鑿渠斷地
脉自謂神與謀乾坤有端倪已露不可收大帝開吳天
定鼎臨江陬融融秣陵日始照十二旂經營暨六代茲

石澗言集卷二
地稱神州乃知歷數定昧者徒私憂茲事故老傳未知
信然不姑置勿重陳作詩歎遲留

九月三日宿胥口始聞鴈

以下歸崑山作

故人久不見乍見雜悲喜新鴈如故人一聲驚我起把
酒不能觴送目問行李曾雲行路難空濛千萬里塞北
多關山江南渺雲水風高吹汝瘦旅伴今餘幾斜行不
少駐滅沒蒼煙裏羈遊吾亦倦客程殊未已扁舟費年
華短纜繫沙尾物生各有役冥心聽行止江郊匝地熟
場圃平如砥歸期且勿念共飽豐年米

欲雪

烏鴉撩亂舞黃雲樓上飛花已唾人說與江梅須早計

馮夷無賴欲爭春

讀史三首

百歲虧成費械機烏鳶螻蟻竟同歸一檠燈火挑明滅
兩眼昏花管是非
堂堂列傳冠元功紙上浮雲萬事空我若材堪當世用
他年應只似諸公
鏤冰琢雪戰毛麓画餅聲名骨朽時汗簡書青已兒戲
峴山辛苦更沉碑

宴坐菴四首

油燈已暗忽微明石鼎將乾尚有聲衲被蒙頭籠兩袖
藜牀無地著功名

五更風竹鬧軒窓聽作江船浪隱牀枕上翻身尋斷夢
故人待漏滿鞞霜
粥魚吼罷鼓逢逢卧聽飢鼯上曉釭一點斜光明紙帳
悟知檐雀已穿窓
跣趺合眼是無何靜裏惟聞鳥雀多俗客叩門稱問字
又煩居士起穿鞞

青青礧上松送致遠入官

青青礧上松鬱鬱礧底柏松森上曾雲柏跼抱幽石偃
植雖不同臭味乃相得千霜與百雪偶立衆芳側衆芳
豈不好歲晏埽無迹廣厦罩羣木萬牛挽山澤松材可
世用攀援入王國草木豈有情亦復念離析君看此翠
柏錯莫無顏色孤陰愁月夜獨籟怨風夕蒼官何當歸
相望長相憶

除夜感懷

松楸百年哀霜露終歲悲天地豈汝偏鬼神諒無私孤
窮罪當爾我今怨尤誰噎絕夢自語伶俜影相隨豈無
一經傳政坐五鬼嗤鑿杓共齟齬榛荆費耘耔付畀踰
丘山奉承劣毫釐生男九族歡所願作門楣時命有大
謬生男竟何裨匏瓜謾枵腹蒲柳無真姿蹙縮高顙頰
蕭騷短髯髭貧病老歲月斗杓坐成移曉風淒以寒簾
幕相紛披月星炯我冠霧雨泫我衣煮蒿奉祠事苦淚
落酒卮逝者日已遠生者日以衰羸驂駕九折日暮抱

長飢岐路正巉絕耿耿誰當知

次韻唐子光席上賞梅

玉枝橫斜照清空纖手撚香
公水部無人廣平去

後來我輩猶情鍾誰噴昭華送愁絕叫雲三弄怨斜月

徑須踏雪問前村莫待馬蹄如踣鐵春風壓盡百花橋

尊前仍有董嬌嬈惜無楚客歌成雪空有蕭郎眼似刀

夜行上沙見梅記東坡作詩招魂之句

玉妃謫人世乃在流水村天風吹嬋娟飄墮寂莫濱芳

心怨命薄玉色淒路塵佳人來無期日暮多碧雲溪聲

為咽絕月亦低微顰相逢倦遊子一笑不復珍脉脉問

不語亭亭意彌真要我冰雪句招此欲斷魂蘇仙上賓

天妙意終難陳璿柄忽傾墮曉嵐愁翠昏

次韻唐子光教授河豚

世間尤物美惡并江鄉未用誇吳羹清宮洞房寒熱媒

深山大澤龍蛇生胡夷信美胎殺氣不奈吳兒苦知味

揚花欲動荻芽肥汗手死心搖食指食魚要是黃梁

古來不必須河魴君看嗔腹似渾脫寧肯滑甘隨芥薑

先生法語峻立壁譏評不使一錢直膨亨從此迹如埽

坐令梅老詩無力懸知仙骨有青冥風香久已滌羶腥

大笑日華解毒法何如肘後餐霞經

日華子胡弟魚有毒以薑根及椒

題如夢堂壁

勃姑午啼喚雨鴨鳩曉轉留春片雲不載歸夢兩鬢全

以和萃州鯉魚肝及子有七毒一名鵝黃魚以物觸之即噴腹如氣球之者噴魚腹白背有去文道如印魚自得合與世不同江海中亦有此中興大毒江并共次之按中口何物也按和又並出鯉魚之有毒不可食其肝殺人極勝中每思如美人細細聲之特世寶一物而後出也西陽雜俎鯉魚肝與子俱毒食之必死食之已死毒梅聖俞名何勝訪

長飢岐路正巉絕耿耿誰當知

次韻唐子光席上賞梅

玉枝橫斜照清空纖手撚香
公水部無人廣平去

梅聖俞有河豚詩一條沈注無

為咄絕月亦低微顰相逢倦遊子一笑不復珍脉脉問
不語亭亭意彌真要我冰雪句招此欲斷魂蘇仙上賓

天妙意終難陳璿柄忽傾墮曉嵐愁翠昏

○次韻唐子光教授河豚

世間尤物美惡并江鄉未用誇吳羹清宮洞房寒熱媒
深山大澤龍蛇生胡夷信美胎殺氣不奈吳兒苦知味
揚花欲動荻芽肥汗手死心搖食指食魚要是黃梁

古來不必須河魴君看嗔腹似渾脫寧肯滑甘隨芥薑
先生法語峻立壁譏評不使一錢直膨亨從此迹如埽
坐令梅老詩無力懸知仙骨有青冥風香久已滌羶腥
大笑日華解毒法何如肘後餐霞經

題如夢堂壁

勃姑午啼喚雨鴨鳩曉轉留春片雲不載歸夢兩鬢全

和奉州觀魚肝及
子有大毒石鵝夷
魚以物觸之即噴腹
如氣球之在噴魚
腹曰背有去矣道如
而魚自得合占其血
不同江海中並有
中其大毒江并於此
按中口何孫也其以
和又並出雖鯉魚之
有毒不可食其肝殺
人緣腹中無頭中
無腮如元美人翻即
鯉聲之特世實一
物而後出也百陽難
姐鯉鯉血肝子俱
毒公以思必在艾
已女毒梅聖俞名
河豚詩

供客塵

曉起

簾額繡波蕩漾燭盤紅淚闌干夢裏五更風急愁邊一
半春殘

再遊上方

僧共老花俱在客將春鴈同回范叔一寒如此劉郎前
度曾來

即事

醉袖籠鞭轉柳塘青門芳樹掩殘香誰驚翡翠雙飛去
祇有蓮花對斷腸

春晚即事

屋頭清樾暗荆扉紫萼爛斑翠莢肥春晚軒窓人獨困
日長籬落燕雙飛

春晚三首

陰陰垂柳閉朱門一曲闌干一斷魂手把青梅春已去
滿城風雨怕黃昏

客去鉤窓詠小詩遊絲撩亂柳花稀微風盡日吹芳草
蝴蝶雙雙貼地飛

夕陽槐影上簾鈎一枕清風夢昔遊夢見錢塘春盡處
碧桃花謝水西流

樂先生闢新堂以待芍藥醠醠作詩奉贈

芍藥有國色醠醠乃天香二妙絕世立百草爲不芳先

生絕俗姿風味本無雙年來悟結習欲試安心方天魔
巧伺便作計迴剛腸多情開此花艷絕溫柔鄉道人為
一笑正爾未易忘呼童葺荷芷擇勝開軒窓啼鶯不愁
思遊蜂亦猖狂百年顰呻頃共此過隙光朝為春條綠
暮為秋葉黃把翫尚無幾況以憂愁妨願言秉燭遊迨
此春宵長

題城山晚對軒壁

一枕清風夢綠蘿人間隨處是南柯也知睡足當歸去
不奈溪山留客何

題城山挂月堂壁

百疊煙鬟得眼明坐來心跡喜雙清秋陽滿地西風起

猶有啼鶯四五聲

姑惡 并序

姑惡水禽以其聲得名世傳姑虐其婦婦死所化東
坡詩云姑惡姑惡姑不惡妾命薄此句可以泣鬼余
行茗雲始聞其聲晝夜哀厲不絕客有惡之以為此
必子婦之不孝者子為作後姑惡詩

姑惡婦所云恐是婦偏辭姑言婦惡定有之婦言姑惡
未可知姑不惡婦不死與人作婦亦大難已死人言尚
如此

大暑舟行含山道中雨驟至霆奔龍挂可駭

隕雲暖前驅連鼓訶後殿駸駸失高丘擾擾暗古縣白

江和太神姑獲能
收人鬼魄
乳母多言產婦
死家化作之此則
狀為疑此所指
蓋以布囊多
早言不審此為
姑惡

龍起幽蟄黑霧佐神變盆傾耳雙瞶斗暗目四眩帆重
腹逾飽櫓潤鳴更健圓漪暈雨點濺滴走波面伶俜愁
孤鴛颺閃亂飢燕麥老枕水卧秧穉與風戰牛蹊岌城
沉蟻隧洶瓴建水車競施行歲事敢休宴咿啞嘯簧鳴
輾轉連鎖轉駢頭立婦子列舍望宗伴東枯駭西潰寸
涸驚尺澱嗟余豈能賢與彼亦何辨扁舟風露熟半世
江湖徧不知憂稼穡但解加餐飯遙憐老農苦敢厭遊
子倦

題畫卷五首

鑿落秋水石明高楓老柳兩灘橫君看疊巘雲容變
又有中宵雨意生

歌傾棧路繞山明隔隴人家犬吠聲無限白雲堆去路
不知誰識許宣平

春陰十日溪頭暗夜半西風雨脚收但覺奔霆吼空谷
遙知萬壑正爭流

暑雲潑墨送驚雷坐見前山驟雨來今夜一涼千萬里
更無焦卷與塵埃

秋晚黃蘆斷岸江南野水連天日色微明魚網鴈行飛
入蒼煙

○六月七日夜起坐殿廡取涼

畏暑中夜起出門月露清晶熒卧銀漢錯落低玉繩網
戶閉妙香石樓棲古燈風從何處來殿閣微涼生桂旗

儼不動藻井森上征榱楣共突兀鬼物相枝撐彭觥鐵
拄杖磔磔棲燕驚俗人豈解事鼻息春雷鳴大星送曉
來四窓炯微明顥氣澡肌骨栩栩兩腋輕乘風欲歸去
驂鸞扛青冥却恐方平知浪得狡獪名

中秋卧病呈同社

人間佳風月浩浩滿大千俗子不解愛我乃知其天以
此有盡姿翫彼無窮妍受用能幾何北溟一杯然天公
尚齟齬不肯畀其全卧病窘詩料坐貧羞酒錢瓊樓與
金闕想像屋角邊如聞真率社勝遊若登仙四者自難
并造物豈我偏

秋日雜興六首

我友蓬蒿士却埽謝四鄰內無三尺童外無雙蒲輪豈
非騏驥姿執轡難其人無衣可御冬忍寒待陽春仰雲
發永歎夜作寒螿呻多戶勸之起懷寶善自珍秋月耿
清夜秋風捲曾雲佳哉爲誰歟定爲我與君莫嫌酒味
薄聊復相歡欣

夕陽下桑柘餘暉挂西山西山在何許冉冉紫翠間綵
雲無朝昏綠蘿竟暄寒昔與霞上人同跨雙飛翰上凌
紫霄峰下弄白石湍風吹墮渺莽及此行路難佳人應
望予我豈真忘還

秋高氣彌清歲晏天雨霜繁枝各病綠况乃枝上香向
來不勝春渺在無何鄉樂極定自悲誰歟此更張春秋

薛子知遊李戶
西入司馬云明也

無終窮榮落殊未央
媽媽芙蓉花秀出清霜
晨衆卉已昨夢孤芳若爲新
寒蜂無僂飛一笑靜自珍
誰令嬋娟姿墮此寂寞濱
絕世貴獨立後時莫酸辛
回風佐小舞薄日生微醺
即事亦足樂何必桃李塵
蒼筠如蒼玉鄉是礪壑姿
竭來西窓下死生付汙泥
蟲緣有病葉土瘦無新枝
太陽豈我偏檐影爲蔽虧
昔如松柏獨今作蒲柳
衰暮夜風雨急歲晏誰與歸
屋東雙梧桐婉婉無真姿
朝爲春風條暮爲秋霜枝
夜久風葉鳴驚鵲一再飛
梧桐不足愁會有明年期
人老真可歎寧復遊冶時
石湖居士詩集卷二

石湖居士詩集卷三

擬古

彎環樓前月掩抑樓上人人月
不得語相看兩凝顰西窓回紋機
織徧錦字春聊可自持翫何由將寄君

立春日郊行

竹擁溪橋麥蓋坡土牛行處亦笙歌
麴塵欲暗垂垂柳醅面初明淺淺波
日滿縣前春市合潮平浦口暮帆多
春來不飲兼無句奈此金旛綵勝何

次韻漢卿舅即事二絕

風捲南枝一夜休孤芳寧肯爲人留
淡粧素服真成夢落月橫參各自愁

萬木垂垂欲改柯
根萌焦渴奈春何
晚來礎汗南風壯
會有溪雲載雨過

晚潮

東風吹雨晚潮生
疊鼓催船鏡裏行
底事今年春漲小
去年曾與畫橋平

一篙

一篙新綠浦東西
雪絮漫江鴈不飛
宿雨纔晴風又轉
片帆那得及時歸

碧瓦

碧瓦樓頭繡幙遮
赤欄橋外綠溪斜
無風楊柳漫天絮
不雨棠梨滿地花

題記事冊

庚午

劃破虛空一劍間
六根同轉上頭關
如今宴坐菴中事
政在凡夫道法間

暮春上塘道中

店舍無煙野水寒
競船人醉鼓闌珊
石門柳綠清明市
洞口桃紅上巳山
飛絮著人春共老
片雲將夢晚俱還
明朝遮日長安道
慚愧江湖釣手閒

江上

天色無情淡江聲不斷流
古人愁不盡留與後人愁

餘杭道中

落花流水淺深紅
盡日帆飛繡浪中
桑眼迷離應欠雨

才與犯要上塘河
在板村官城東自
小石門外正長山
又東北徑往平鎮東
達海甯縣長安
壩

麥鬚騷殺已禁風牛羊路杳千山合雞犬村深一徑通
五柳能消多許地客程何苦鎮怱怱

陳侍御園坐上

愁眼逢歡春水明詩情得酒春雲生花梢蝴蝶作團去
竹裏鶉鳩相對鳴邂逅浮生此日好纏綿俗累何時輕
擘牋沫墨乏竒句擷笛當筵慚妙聲

獨遊虎跑泉小菴

苔徑彎環入茅齋取次成蔓花緣壁起間草上堦生宿
雨松篁色新晴燕雀聲筒泉烹御米聊共老僧傾

王希武通判挽詞二首

當代名臣後惟公奕世賢及親三釜養遺子一經傳藥

與地無殊虎跑泉
在性安而存福生
本言院二虎跑泉
涌出

石探竒字芸香緝斷編堂堂今不見塵迹自依然
事契從先世姻聯亦近親遽為重壤去淒斷十年鄰物
理真飄忽家聲正隱麟門闌可三戟何止駟車云

劇暑

赫赫炎官張傘赤帝騎龍安得雷轟九地會令雨

起千峰

次韻時敘

新春殘春一夢間夢中兀兀長閉關今朝出門春已去
但見新笋齊屋山作詩惜春聊復爾春亦何能與人事
閒心如絮久沾泥但愛日長添午睡

夜宴曲

以下共二
首效李賀

金麟噴香煙龍蟠玉燈九枝青闌干明瓊帶湘簾斑
風幃繡浪千飛鸞舞娥紫袖如弓彎雲中一笑天解顏
銜杯快卷玻璃瓊乾花樓促箭春宵寒二十五聲宮點闌

神絃

雙娥一去三千秋粉篁春淚凝古愁神鼉悲鳴老龍怨
水為翻瀾雲為留素空逗露晚花泣神官行水鱗僮濕
潮聲不平江風急蒼梧冥茫九山立

樂神曲

以下共四首效王建

豚蹄滿盤酒滿盃清風蕭蕭神欲來願神好來復好去
男兒拜迎女兒舞老翁翻香笑且言今年田家勝去年
去年解衣折租價今年有衣著祭社

縹絲行

小麥青青大麥黃原頭日出天色涼姑婦相呼有忙事
舍後煮繭門前香縹車嘈嘈似風雨繭厚絲長無斷縷
今年那暇織絹著明日西門賣絲去

田家留客行

行人莫笑田家小門戶雖低堪洒掃大兒繫驢桑樹邊
小兒拂席軟勝氈木臼新春雪花白急炊香飯來看客
好人入門百事宜今年不憂蠶麥遲

催租行

輸租得鈔官更催踉蹌里正敲門來手持文書雜嗔喜
我亦來營醉歸耳牀頭慳囊大如拳撲破正有三百錢

鄭名字文淵見吳志孫權傳

不堪與君成一醉聊復償君草鞋費
謝靈運詩絨口翁張達夫大卿酒尊名酒尊不應絨口客令僕嘲之
君子取中道常在語默間多言固自費不語良獨難此
翁身如鄭文淵辨如懸河思如泉邇來絨口欲挂壁嘯
嚅畏客翻可憐君不見東家玉壺本弟兄叩之猶解語
分明願聞胚渾甚深義定自能令一座傾

春思

沙際綠蘋滿樓頭芳樹多光風入網戶羅幕生繡波前
年花開憶湘水今年花開淚如洗園樹傷心三見花依
舊銀屏夢千里

次韻漢卿舅臘梅二首

垂垂瘦萼泫微霜剪剪纖英鎖暗香金雀釵頭金蛺蝶
春風傳得舊宮粧
湘袂朝天紫錦裳光風微度絳霄香壽陽信美無仙骨
空把心情學澹粧

宿東寺二首

淡天如水霧如塵殘雪和霜凍瓦鱗織女無言千古恨
素娥有意十分春
一聲黃鵠夜深歸栖雀驚鳴觸殿扉北斗半垂樓閣外
風旛渾欲上雲飛

範老前歲相別約歸括蒼便游四明今不知何
地暇日有懷

春色重來意未闌故人一去肯復還括蒼洞天埽舊隱
補陀海岸尋神山杖屨雲煙遠遊樂衣裳風雪行路難
鴻飛冥冥鷗浩蕩安得置之雞鶩間

癸亥日泊舟吳會亭

去年春盤浙江驛湛湛清波動浮石今年春盤吳會亭
冥冥細雨濕高城天邊作客風沙裏今年去年成老矣
客心古井冷無波過眼人情亦如水憶昔三生住翠微
偶來平地著征衣山中故人應大笑扁舟坐穩何當歸

時敘火後意不釋然作詩解之

潘郎曉衾夢蘧蘧舞馬竟與融風俱前驅炎官後熱屬
席捲不貸淵明廬淵明有君家十年四立壁震風凌雨

與地經緯世多稱
吳以爲會亭
吳會亭在東吳郡會
也吳亭在會稽郡
後漢分爲吳會稽郡
之郡後世指之謂
此通稱會稽吳
與會稽也

昭六年傳是為
融風火之如也

啼妻孥平生白眼蓋九州閉戶不納結駟車清貧往往
被鬼笑付與一炬相擲掄井堊木刊烏鼠赭汝則暫戲
吾何辜天闕悠悠虎豹怒叱閤上訴非良圖作詩聊復
相料理甑墮已破空踟躕浮生適來且適去況此茅屋
三間餘埽除劫灰得空闊新月恰上東牆隅幕天席地
正可樂爲君鼓旗助歌呼

題湯致遠運使所藏隆師四圖

欠伸

春風吹夢驀江飛行盡江南只片時深院無人自驚覺
夕陽芳樹乳鴉啼背立粧臺髻鬟懶鏡鸞應見茸茸眼
不須回首更嫣然劉郎已自無腸斷

揮塵三錄湯致遠
遠在明季嘗守
吳州帥長少孫
帥弟東

倦繡

獨兒弄煖綠堦走花氣薰人濃似酒困來如醉復如愁
不管低鬟釵燕溜無端心緒向天涯想見檣竿旛脚斜
槐陰忽到簾旌上遲却尋常一線花

倚竹

輕薄人情翻覆手冰容却耐幽居久關中舊事逐春休
付與新人莫回首目送斜陽忘却歸竹風搖曳翠羅衣
君看脉脉無言處中有杜陵飢客詩

嗅梅

雪意勒花愁未解背陰一朶寒先退東風還是去年香
不比人心容易改宿酒曹騰正耐春花枝人面兩時新

相看好作風流伴只恐花枝却妒人

晚步

排門簾幕夜香飄燈火人聲小市橋滿縣月明春意好
旗亭吹笛近元宵

題開元天寶遺事四首

御前羯鼓透春空笑覺花奴手未工一曲打開紅杏藥
須知天子是天公

謝蠻舞袖貴妃絃秦國如花虢國妍不賞纏頭三百萬
阿姨何處費金錢

朝天車馬詔頻催斷得新湯未敢開忽報豬龍掀宇宙
阿瞞虛讀相書來

南卓羯鼓錄法陽三
甯王也常戴碎帽打
曲上自摘仁權衣一
相著奏舞山香一曲
不墜後上大喜曰花
實似雲取髮光細此
人必神仙術也甯王
讓隨而後作之笑曰
不酒過處阿瞞自是
花奴但端秀已人帝
王相固無精也又高
力士遺取羯鼓上作
擊一曲名事先好及
物皆皆已著折上嗟
惜悔曰此事不喚我
天子可乎

樂史楊長真外傳新
聖初進以伶內河蠻
善壽壽奉國夫人端
生親之曲能上獻曰
阿賜樂籍今日章曰
供養夫人侍煙頭
奉國曰豈有大唐天
子阿賜妾錢用邪
遂生三石勇為局焉
柳氏舊聞云安祿來
相上於殿西張金雞障
賜坐肅宗曰天子殿無
人臣坐禮上曰此相者
相事以生獻賜之
嗣元天寶貴事以皇
與貴妃每至延和使妃
子統宅妓百人條帝
統山中貴百餘人排障
於掖庭中必日為心
障

剥啄延秋屋上烏明朝箭道入東都宮中亦有風流陣
不及漁陽突騎粗

讀甘露遺事二首

神理人情本不同絕憐鼠輩倖元功天公盍假毛鼯助
成敗都懸反掌中

上林輦路草青青誰向憑高識聖情謾展東封圖畫看
不如釀酒亂平生

半塘唐詩紀事甘露遺事後帝不樂住睦目初經賦詩自草後生秋柳上林苑湯枝湯高之安派意每後仿臣知

柳暗閭門逗曉開半塘塘下越溪回炊煙擁拖船船過
芳草綠堤步步來

楓橋

朱門白壁枕彎流桃李無言滿屋頭牆上浮圖路傍堠
送人南北管離愁

橫塘

南浦春來綠一川石橋朱塔兩依然年年送客橫塘路
細雨垂楊繫畫船

胥口

扁舟拍浪信西東何處孤帆萬里風一雨快晴雲放樹
兩山中斷水粘空

香山吳王種香處

採香徑裏木蘭舟嚼藥吹芳爛熳遊落日青山都好在
桑間蕎麥滿芳洲

上沙

水邊犬吠隔疎林
籬落蕭森日半陰
繁杏鎖紅春意淺
晚梅飄粉暮寒深

天平寺 以下天

舊遊彷彿記三年
轟飲題詩夜滿山
山上白雲應解笑

又將塵土浣朱顏 三年前至先兄與余同唐少梁登山

僧散遣羣童秉炬求余三人久而莫得以為已仙也是

夜宿寺中聯句達曉東坡曰自從有此山白石封蒼苔

何常有此樂將去復徘徊至今往來於余心

白雲泉 泉色正白

龍頭高啄嗽飛流
玉醴甘渾乳氣浮
捫腹煮泉烹鬪勝
真成騎鶴上揚州

山頂

翠屏無路強攀緣
我與枯藤各半仙
不敢高聲天闕近

人間漠漠但寒煙

山徑 以下高

雲根新徑絡山腰
暗綠交陰宿露飄
行到竹深啼鳥鬧

鶉鳩老怨畫眉嬌

泉亭

收拾風煙鎖翠微
亂山窮處結巖扉
青天不盡鳥飛盡

吳楚川原似衲衣

金氏菴 菴廢無人居

醉墨題窓側暮鴉
蔓藤綠壁走青蛇
春深有燕捎飛蝶

日暮無人掃落花

平雲閣以下南峰

背倚天峰湧化宮橫空閣道拖雙虹火雲六月應奇絕
青瑣玲瓏八面風

鐵錫支道林遺物

八環流韻寶枝鳴古鐵無花紫翠明莫遣閒人容易振
泉飛石落鬼寰驚

放鶴亭亦道林故事

石門關外古亭基樹老藤枯野徑微放鶴道人今不見
故應人與鶴俱飛

馬跡石傳云道林騎白馬升天遺跡今石上雙跡儼然類蹄泐者後人為小塔識其處

輿地紀勝放鶴亭在吳和天峰寺之南峯皆高僧支道常居此有石室及支剛山馬跡石在吳知西叔愚山

跨馬凌空亦快哉龍腰鶴背謾徘徊遊人欲識仙蹤處
但覓蒼崖白塔來

金沙沙中熬金燦然人或煉取多不成

莊嚴福地守靈仙不為人間計子錢一掬爛熳光照眼
路傍饒隸枉流涎

龍母廟以下澄照寺

孝龍分職隸湘西天許寧親歲一歸風電春春損桃李
山中寒食尚冬衣

白蓮堂

古木參天護碧池青錢弱葉戰漣漪忽忽遊子忽忽去
不見風清月冷時

不尺風白善坑鑿山成井深數十丈復轉為隧道以取之危險不可逼視

銀鬚玉璞紫金精
犯難窮探亦有名
白堊區區土同價
吳儂無事亦輕生

石湖居士詩集卷三

[Faint bleed-through text from the reverse side of the page]

石湖居士詩集卷四

賀樂丈先生南郭新居

新堂燕雀喜竹籬
挂藤蘿崩奔風濤裏
得此巢龜荷西山
效爽氣南浦供清波
會心不在遠容膝何須多
先生淮海俊踏地嘗兵戈
飄飄萬里道芒屨厭關河
風吹落
下邑楚語成吳歌
豈不有故國荒垣鞠秋莎
無庸說當歸到處皆南柯
卜遷不我遐一水明青羅
閉戶長獨佳奈客剝啄何
會令蒼苔石屐齒如蜂窠

歲旱邑人禱第五羅漢得雨樂先生有詩次韻

海山之湫龍所宮
濺瀑下赴聲琤琮
碧矚大士何許主
愛此匹練飛冥濛
偶然宴坐百千劫
神力悲願俱無窮

東坡集禪月所遺
十六天阿羅漢贊
第五羅漢羅字
共

向來火雲挾日走沙煎日爛千山童陸渾風高煽熱屬
涇川草肥間雨工萬口磬磬叫此士爐燎未吐誠先通
暮塵捲地羊角暗朝霞橫天魚尾紅商羊摩霄鳶起舞
居然一澍歌年豐人言佛陀入三昧斷取世界如旋蓬
指麾釋梵駿奔走況爾風伯并雷公風騷老將亦贊喜
筆陣獨埽詩壇空嗟余嘯咏不釋手一曲何啻歌三終

次韻時敘賦樂先生新居

愚士繁俗如囚奴至人遺形與化俱紛紜覺夢不可辨
蘧蘧栩栩知誰歟百年如泡亦如電剛欲鑄鐵充門樞
列仙之懼墮山澤一席三椽良有餘平生欽熾百戰勇
頓挫久已歸夷途光芒無用入詩句青天白日轟雷車
松煤繭紙妙揮埽芸香錦囊深貯儲紫露雙瓶春夜醉
黃雲一稜秋田租誰能搏扶北溟海政爾歸卧南陽廬
鴻飛冥冥隔雲雨弋人可慕不可呼

病中夜坐呈致遠

似霧如煙夜氣浮鶴鳴驚睡起搔頭含風竹影淡留月
著雨蛩聲深怨秋萬事心空癡已慣百骸歲晚病相投
便當採藥西山去脚力蹒跚怕遠游

戲題藥裹

捲却絲綸颺却竿莫隨魚鼈弄腥涎須知別有垂鈎處
枯海無風浪拍天

夜歸

竹輿伊軋走長街掠面風清醉夢迴曲巷無聲門戶閉
一燈猶照酒壚開

田舍

呼喚攜鋤至安排築圃忙兒童眠落葉鳥雀噪斜陽煙
火村聲遠林菁野氣香樂哉今歲事天末稻雲黃

戲題致遠書房

照叢菊靨萬黃金欹架薇條半綠陰逋客已隨丹鳳詔
但餘花草怨秋深

烏戍密印寺

烏戍即今之烏鎮

青堆溪上水平堤謂烏堆東岸絳瓦參差半掩扉殿用純紅瓦色
爛然我與聖公俱客寓聖翁本汀州白衣巖主號定光佛者連南夫知州載神像歸寄於寺

此于此約拾墓
此為寺昭明以此
館別為一寺

與地地勝密印
寺在烏鎮普
靜寺側吳昭明
太子館也沈約
展墓昭明太子

之藏前香人傳帝子尚靈威寺有昭明太子祠勝緣齟齬三重

障東佛閣三造不成今据志士辛勤十載歸鐘樓乃一
髮為商走川廣得錢二萬緡花木禪房都不見但餘編
蝠畫羣飛僧房皆為狹門深洞極

月夜泛舟新塘

溪上清風柳萬重綠煙無路月朦朧船頭忽逐回塘轉
一水迢迢却向東

客舍

穀擊肩摩錦繡堆朝聲洶洶暮聲催忽然憶起長橋路
天鏡無邊白鳥迴

病中夜坐

村巷秋春遠禪房夕磬深
飢蚊常繞髻暗鼠忽鳴琴
薄寒相中稜稜瘦不禁
時成洛下詠却似越人吟

秋芸有春綠

秋芸有春綠踈籬照孤芳
清霜早晚至何草能不黃
寧當念衰落政爾事容光
及時且自好來日殊未量

三湘怨

牙檣罨畫櫓搖漾三湘浦
佳人翔綠裾含顰爲誰舞
拳新荷葉愁絕煙水暮
風雲忽飄蕩隱約聞簫鼓

夜發崑山

歲寒人墜戶霜重獨登舟
弱櫓搖孤夢踈蓬蓋百憂
但吟今不樂豈計幾宜休
慚愧沙湖月年年照薄遊

十一月十二日枕上曉作

竹響風成陣窓明雪已花
柴扉吟凍犬紙瓦啄飢鴉
宿酒欺寒力新詩管歲華
日高猶擁被蓐食媿鄰家

南樓望雪

夜月流瑤圃春風滿玉都
籬踈先剝落樹密正模糊
亂點橫煙鴈驚啼失木烏
醉魂方浩蕩風袖不支梧

除夜書懷

運斗寅杓轉周天日御回
夜從冬後短春逐雨中來
鬢綠看看雪心丹念念灰
有懷憐斷鴈無思惜踈梅
絮厚眼生纈蔬寒腸轉雷
燭花紅瑣碎香霧碧徘徊
昨夢書三篋平生酒一杯
牀頭新曆日上舊塵埃
搖落何堪

柳紛紛各夢槐隙光能幾許世事劇悠哉岐路東西變
義娥日夜催頭顱元自覺懷抱故應開踴躍金何意青
黃木自灾身謀同斥鷃政爾願蒿萊

戲荅澹菴小偈

莫問前程事漂然海上舟命乖逢鬼國緣合遇蓬丘畢
竟非身計俱成錯路頭故鄉隨脚是流浪不知休

偶書

出處由人不繫天癡兒富貴更求仙東家就食西家宿
世事何緣得兩全

題立雪圖

堂下心如鐵菴中語似雷有人參此語三箇一坑埋

題日記

誰言萬事轉頭空未轉頭時亦夢中若向夢中尋夢覺
覺來還入大槐宮

題張氏新亭

水楊成幄翠相遮猶有東風管歲華葉底青梅無數子
梢頭紅杏不多花煩將鍊火炊香飯更引長泉煮鬪茶
約我詩成須疥壁莫嗔歌側似歸鴉

玉臺體

捲幔燈千朶鈎簾月半弓繡鴛翔瀝水金雀跂屏風細
意翻長袖多情結短封銅壺從婉婉玉珮正丁東

枕上

唐駢到此錄札
符中亦有李使共出
出使歸時居在何
陽德國一貴家舊
恩欲名諸子使家
決子日凡以炭煨烘
先煨令熟作一煨
炭亦不入爨不致
釋有烟氣李使共
空炭不徑煨是以
難也

明月無聲滿屋梁，夢餘分影上人牀。
素娥脉脉翻愁寂，付與風鈴語夜長。

斑駁

斑駁別後月纖纖，門外踈桐影畫簾。
留下可憐將不去，西風吹上兩眉尖。

題傳記二首

莫將綵筆寄朝雲，紅淚羅巾隔路塵。
說與東風無限恨，倩風吹斷去年春。

綵舟歸去海山青，寂莫瑤臺月自明。
啼雨落花春已盡，夢魂何必更多情。

病中絕句八首

空裏情知不著花，逢場將病當生涯。
蒲團軟暖無時節，夜聽蚊雷曉聽鴉。

溽暑薰天地湧泉，彎跽避濕挂行纏。
出門斟酌無忙事，睡過黃梅細雨天。

石鼎颼颼夜煮湯，亂拖芝朮鬪溫涼。
化兒幻我知何用，祇與人間試藥方。

病中心境兩俱降，猶憶江湖白鳥雙。
一夜雨聲鳴紙瓦，聽成飛雪打船窓。

檐頭排溜密如簾，溪上層陰定解嚴。
最是看山奇絕處，白雲堆絮擁青尖。

夜合梢頭蘸紫茸，茱萸頂上拆黃封。
去年團扇題詩處

依舊踈簾細雨中
 盆傾瓴建夜翻渠
 繞屋蛙聲一倍粗
 想見西堂渾不睡
 明朝踏濕看菖蒲
謂現老
 晴色先從喜鵲知
 斜陽一抹照天西
 竹雞何物能無賴
 如許泥深更苦啼

病中三偈

擾擾隨流無定期
 波停浪息始應知
 一塵不偶同歸處
 四海無親獨步時
 苦相打通俱入妙
 病緣纔識更何疑
 霜清木落千山露
 笑殺東風葉滿枝
 一交銷取萬黃金
 將病求醫枉用心
 化盡此身成藥樹
 不妨栽得病根深

莫把無言絕病根
 病根深處是無言
 丈夫解却維摩縛
 八字轟開不二門

雲間湖光亭

微風不動斂濤湍
 組練晶晶色界寒
 斜照發揮猶未盡
 月明殘夜更來看

高景菴泉亭

峰頭揮手笑紅塵
 天入雙眸洗翳昏
 萬里西風熟秔稻
 白雲堆裏著黃雲

晚入盤門

人語嘲喧晚吹涼
 萬窓燈火轉河塘
 兩行碧柳籠官渡
 一簇紅樓壓女牆
 何處采菱聞度曲
 誰家拜月認飄香

石志吳地記舊
 作晴改字為盤
 又云嘗名就潛
 似打此以鼓杖
 逐之即今為樓
 是此園徑佳記

以學利權就
或曰以陸相半治
泗屋必如也

輕裘駿馬慵穿市困倚蒲團入睡鄉

九月三十日夜出關候致遠不至

風勁便輕棹霜嚴怯弊裘青山蟠巨浸紅樹立滄洲月
黑鴈猶去燈寒人更愁煙松漫小峴何處問鳴騶

次韻致遠自毘陵見寄二首

黃鵠高飛碧落寒向來山水夢驚殘故情若問元真子
依舊江頭把釣竿

新詞一闕話羈愁清似寒泉咽隴頭官下有誰同此
仲宣應是獨登樓

元日山寺

聽熟朝魚又暮鐘全將慵懶度三冬貪眠豹褥窓間日

怕擁馳裘陌上風登版自憐行蹭蹬讀碑仍怪視蒙籠
少年豪壯今如此略與殘僧氣味同

題記事冊

北山山下小菴居佛劫仙塵只故吾八萬四千空色界
不離一法認毘盧

寄贈致遠并呈現老

草草家風節物新從來憂病不憂貧琴書稍覺浮生誤
香火惟知此事真室裏談空思二士花間對影謾三人
祇愁盧李分攜後別有筵篔一曲春

春後微雪一宿而晴

綵勝金幡換物華垂垂天意晚平沙東君未破含春藥

此詩與李生盧
二陽于北亭作
詩筆公侯必卷注

青女先飛剪水花
夜逐回風鳴瓦壠
曉成踈雨滴檐牙
朝暎不與同雲便
烘作晴空萬縷霞

雪霽獨登南樓

雪晴風勁晚來冰
樓上竒寒病骨驚
雀啄空檐銀笋墮
鴉翻高樹玉塵傾
青帘閃閃千家靜
黃帽亭亭一水橫
坐久天容却溫麗
一彎新月對長庚

次時敘韻送至先兄赴調

梅柳欲動風作難
行人意在飛鴻間
一官遠遊門戶弱
百歲上策身心閒
胸次饒渠有廊廟
夢魂叵使無江山
栽桃種杏須付我
已辦鐵鎖遲公攀

上沙遇雨快涼

刮地風來健葛衣
一涼便覺暑光低
雲頭龍挂如垂筓
雨在中峰白塔西

自天平嶺過高景菴

卓筆峰前樹作團
天平嶺上石成關
綠陰匝地無人過
落日秋蟬滿四山

高景山夜歸

伊軋籃輿草露間
夜涼月暗走孱顏
忽逢陂水明如鏡
照見沉沉倒景山

白雲嶺

路入千峰一線通
陸離長劔立天風
五年領客題詩處
正在孤雲亂石中

黃帽見鄒通傳
巨幸信判解印
女作船同東坡詩
映山黃帽滿頭舫

偃月泉

松風竹露午猶寒知有龍蟠一掬慳我欲今年來結夏
莫高岫幌掩雲關

代人七月十四日生朝

秋入壺中玉宇鮮芝蘭桃李共熙然已饒瑞莢明朝滿
先借清蟾一夜圓北闕紫泥應道路東山紅袖莫雲煙
如今且醉江湖酒來歲城南尺五天

題金牛洞

洞在宣城之成山前此蕪廢無聞自魏公尚書發之常有笙簫仙音之瑞

故鄉江吳多好山筍輿篋舫相窮年春風吹入江南陌
疊障雙峰如舊識聞道金牛更孱顏古來鐵鎖高難攀
自從仙伯弭芝蓋鳳舞鸞歌開洞天新詩賸說山中妙

一統志雲山在甯國石宣城縣東北七十里下有金牛洞

我不曾游先夢到從渠弱水隔蓬萊雲山何處無瑤草

曉自銀林至東灞登舟寄宣城親戚

曉山障望眼脉脉紫翠橫澄江已不見况乃江上城結
束治野裝木末浮三星羸馬隴頭嘶小車谷中鳴亭亭
東灞樹練練綠浦明篙師笑迎我新漲沒蘋汀徑投一
葉去雲水相與平聊將塵土面照此玻瓈清懷我二三
友高堂晨欲興風細桐葉墮露濃荷蓋傾凝香繞燕几
安知路傍情

讀唐太宗紀

平內難

宮府相圖勢不收國家何有各身謀縱無管蔡當時例
業已彎弓肯罷休

景定建康志銀林塘在溧水東南百里有二里自銀林村東曰分水堰長七里又東五里曰若水堰長六里又五里曰何家堰長車河沿溧陽五堰也按一統名曰東壩

一門之內自極兵
威梁元帝後

弟兄相賊戮天倫自古無如舜苦辛掩井捐階危萬死
不聞親殺鼻亭神。

佐命諸公趣夜袞爭言社稷要靈長就令昆季尸神器
未必唐家便破亡

建成回馬欲馳歸元吉行趨武德闈若使兩人俱得去
却於何處極兵威

嫡長承祧有大倫老公愛子本平均只知世上尋常理
爭信英雄解滅親

重讀唐太宗紀 立晉王

父子情深苦亦深蓋天神武一沾襟想當拔刃投牀際
也憶海池舟裏心

承乾謀父保天年青雀圖兄亦兩全隱刺諸兒却拏戮
一私知隔幾山淵

更張聊欲亢吾宗仁孝承家合至公天發殺機那可料
正投阿武禍胎中

石湖居士詩集卷四

石湖居士詩集卷四

五外南左縣

更

一

承

石湖居士詩集卷五

復自姑蘇過宛陵至鄧步出陸

漿家饋食糧為藩酒市停驂竹廡門紅樹亭亭棲晚照
黃茅杳杳被高原飲溪有跡於菟過掠草如飛朴渥翻
車軌如溝平地少飽帆天鏡憶江村

題南塘客舍

間裏方知得此生癡人身外更經營君看坐賈行商輩
誰復從容唱渭城

南塘冬夜倡和

燃萁烘煖夜窓幽時有新詩趣倡酬為問灞橋風雪裏
何如田舍火爐頭寒釭欲暗吟方苦凍筆難驅字更遒

一統志廣道鎮
延司在高淳縣
東即鄧步鎮也
建康志鄧步
鎮在溧水縣南
百二十里

絕笑兒癡生活淡略無歲晚稻梁謀
游金牛洞題石壁上

仙翁舊游處琅璈韻靈曲至今有餘音
真期我住歲晚芝田熟腰鏡從翁來
籟雲跨飛鹿

淨行寺傍皆圩田每為潦漲所決
民歲歲興築
患糧絕功輒不成

崩濤裂岸四三年落日寒煙正渺然
空腹荷鋤那辨此人功未至不關天

袁山道中

虎嘯狐鳴苦竹叢魂驚終日走蒙茸
松林斷處前山缺
又見南湖數十峰

一統志花山在

高信和東南

里山家高上產

白牡丹故名

花山村舍

潦退灘灘露沙虛岸岸頽澗聲穿竹去
雲影過山來柳
菌粘枝住桑花共葉開菴廬少來往
門巷濕蒼苔

清明日狸渡道中

灑灑沾巾雨披披側帽風花燃山色裏
柳卧水聲中石
馬立當道紙鳶鳴半空墻間人散後
烏鳥正西東

寒食客中有懷

江郭花開也寂寥不須綠暗與紅凋
疾風甚雨過寒食
白日青春吟大招芳景尚隨流水去
故人應作綵雲飄
煙波千里家何在惟有溪聲似晚潮

南塘寒食書事

宣城志水陽鎮在
郡東七十里臨水
上流北与江甯府
高淳縣接界通志
水陽鎮在舊唐和
西南二十里臨水陽河

埂外新陂綠岡頭宿燒紅裏魚蒸菜把饋鴨鎖筠籠酒
侶晨相命歌場夜不空土風并節物不與故鄉同

女弟

周德萬攜孥赴龍舒法曹道過水陽相見留別
草草相逢小駐船一杯和淚飲江天妹孤忍使行千里
兄老那堪別數年馬轉不容吾悵望櫓鳴肯為汝留連
神如相此俱強健綠髮歸來慰眼前

高淳道中

路入高淳麥更深草泥露潤馬駸駸雨歸隴首雲凝黛
日漏山腰石滲金老柳不春花自蔓古祠無壁樹空陰
一簞定屬前村店袞袞炊煙起竹林

夜至寧菴見壁間端禮昆仲倡和明日將去次
其韻

杉松廡門森老蒼佛屋深夜幡花香借牀睡倒恍何處
夢隨潛魚聽驚榔啞禽語曉光淨窻窳草鳴朝雨涼
哦詩出門懷二妙春漲繞山湖水黃

行唐村平野晴色妍甚

煖日烘繁梅穠香撲征鞅雲煙釀春色心目兩駘蕩柳
眉翠已埽桑眼青未放茲遊定不俗前路八千嶂

嶺上紅梅

霧雨臙脂照松竹江南春風一枝足滿城桃李各嫣然
寂莫傾城在空谷城中誰解惜娉婷遊子路傍空復情

江南通志南唐市
在高淳縣南十里

花不能言客無語日暮清愁相對生

浙東參政寄示會稽蓬萊閣詩軸次韻寄題二

首

仙翁來佩玉符麟綠髮無霜照碧筠永夜闌千千嶂月
清風揮塵七州春塵埃不隔壺中境功業猶關物外身
鸞鶴莫驚兵衛峻主人元是白雲人

鰲背飛來紺碧浮人間還有小蓬丘不須擊水三千里
已壓中天十二樓羽駕舊曾將夢到芝田今合爲公秋
玉霄有客方東望竟欲乘風馭氣遊

外舅輓詞二首

植德千章茂劂材百鍊剛事功纔止此物理故難量鴈

序雲天遠蘭階雨露芳公無憾身後人自惜堂堂
幽介聯昏援門闕閱歲更方欣承燕几何意寫銘旌笑
語猶尋夢恩勤已隔生情傷到深處有淚不勝傾

天平先隴道中時將赴新安掾

霜橋冰澗淨無塵竹塢梅溪未放春百疊海山鄉夢熟
三年江路旅愁生松楸永寄孤窮淚泉石終收漫浪身
好住鄰翁各安健歸來相訪說情真

元夕泊舟雲川

蓮炬光中月自圓人情草草競華年最憐一夜旗亭鼓
能共鐘聲到客船

桐川郡圃梅極盛皆圍抱高木浙中無有

不廢位名相川
鄰與地化務廣

恒軍名相川卷在
郡園名勝志郡
園名七梅一林枝
柯楊屈姿態
古太守坊市仁堂
園心致

家住丹楓白葦林橫枝一笑萬黃金玉溪園裏逢千樹
還盡春風未足心

牧馬山道中

土橋茅屋兩三家竹裏鳴泉漱白沙春色惱人無畔岸
亂飄風袖拂梅花

宿牧馬山勝果寺

佛燈已暗還吐旅枕纔安却驚月色看成曉色溪聲聽
作松聲

游寧國奉聖寺

松梢臺殿鬱高標山轉溪迴一水朝不惜褰裳呼小渡
夜來春漲失浮橋

方輿紀要白溪在甯
國府東三里其寺在
甯國府之東西二溪
合流洶水西北流入
迴環幾二百里至城東
五里得白溪又東
三里為白溪

自寧國溪行至宣城舟人云凡百八十灘

波驚石險夜喧雷曉泊旗亭笑眼開休問行人緣底瘦
適從百八十灘來

次韻宣州西園二首

苔茵無地着紅塵花草含芳一笑新不待東君能剪刻
相公筆力挽回春

星芒垂耀筆牀寒河漢波流硯滴乾
斐几松跗入三昧
一篇詩就一杯殘

晚步西園

料峭輕寒結晚陰飛花院落怨春深吹開紅紫還吹落
一種東風兩樣心

送端言

東君留戀一分春
蜂蝶闌珊燕子新
桃李無情空綠徑
市橋楊柳送行人

早發竹下

結束晨裝破小寒
跨鞍聊得散疲頑
行衝薄薄輕輕霧
看放重重疊疊山
碧穗吹煙當樹直
綠紋溪水趁橋彎
清禽百轉似迎客
正在有情無思間

小澗

石礙珠旒濺灘平
霧縠鋪小童能好事
繫馬斲菖蒲
次韻子文探梅水西
春已深猶未開水西
謂歙溪而黃君謨州學
記云頻江地卑蓋此水
為浙

一鏡志水西在溪西
南五里高石竹文林
巖遂下臨黃溪循
溪而入有場曰水西坑
家山勝相傳唐宮

之源正可謂之江也

孤山山下小斜橋
客魂曾共暗香飄
五年不踏西湖路
想見黃昏清淺處
如今憔悴古江干
豈有幽芳伴倚欄
臘盡雪殘春不至
坐令愁裏眼長寒
霜稜未貸千林槁
門外風饕人欲倒
斟酌芳心正怯寒
有情真被無情惱

後催租行

老父田荒秋雨裏
舊時高岸今江水
傭耕猶自抱長飢
的知無力輸租米
自從鄉官新上來
黃紙放盡白紙催
賣衣得錢都納却
病骨雖寒聊免縛
去年衣盡到家口
大女臨岐兩分首
今年次女已行媒
亦復驅將換升斗
室中更有第三女
明年不怕催租苦

宗室也中者謂長
安亦向江南好
道
凡光在西北後人為建
凡光園方與江要浙
溪在歙西西南百十里
源出婺源縣之浙源
東北注之西七十里江
潭又東南行百五里車
口而會於率水之南
溪水徑行浙江其如
又東南行十里浦口會
休溪諸水而為新安江
此浙江之源也

次韻子文衝雨迓使者道聞子規

夢魂翔蜨翅鼻息吼鼉鼓喚起治曉裝馬嘶童僕語汨
泥溷鳧鶩慚愧黃鵠舉猥吟陬隅池浪廢桔槔圃啼鵲
撩客心鈎引着何許請歌蘇仙詞歸耕一犁雨

奉題胡宗偉推官攬秀堂

城外屏峰雲百疊城裏看雲笏拄頰山靈自與人爭秀
明滅煙霏難應接南鄰范叔骨相寒不如騎曹知愛山
晨霞儻可救枵腹丐君分我入朝餐

次韻太守出郊

曉裝緹騎踏芳辰江為安瀾露浥塵檠戟前驅留住月
笙簫後備帶行春魚龍水面金杯滿鸞鶴山頭綵筆新

聞道將軍寬禮數不辭醪酎吐車茵

曉出古巖呈宗偉子文

曉風生小寒嵐潤裊巾屨宿雲埋樹黑奔溪轉山怒東
方動光彩晃晃金鉦吐千峰森隱現一氣澹回互平生
癖幽討解后飽新遇那知塵滿甑晨炊午未具不愧忍
飢面來尋古巖路稻梁亦易謀烟霞乃難瘡持此慰龜
腸搜枯尚能句

積雨蒸潤體中不佳頗思故居之樂戲書呈子

文

門外泥深蘸馬鞍墨雲未放四維寬前山忽接後山暗
暑雨全如秋雨寒夢裏江湖三歎息醉中天地一憑闌

方輿紀要第... 欽和年七... 汪華... 古... 石... 時... 石... 形... 中... 相...

斗升留滯休惆悵枳棘從來著鳳鸞

簽廳夜歸用前韻呈子文

簿書堆裏解歸鞍我亦蕭然轡勒寬
爐篆無風香霧直庭柯有月露光寒
間思喜鵲填河鼓靜數流螢繞井欄
明日又驅官裏去從教白鷺侶紅鸞

聖集誇說少年俊遊用韻記其語戲之

京塵紅軟撲雕鞍年少王孫酒量寬
倚袖竹風憐翠薄捧杯花露怯金寒
黃雲城上栖烏曲綠水橋邊鬪鴨攔
別後相思惟故物壁煤侵損扇中鸞

○次溫伯用林公正劉慶充倡和韻

前山後山梅子雨屯雲日夜相吞吐
長林絕壑望不到

時有樵歸說逢虎奔溪朝來忽怒漲
夾岸柳梢餘尺許屋頭未放濃嵐散
苦憶清風汎瓊宇客行落此亂山中
但欲尋人訴羈旅比鄰解后得清士
睂宇津津佳笑語杯行起舞出新句
我氣已衰聊復鼓明年與君杭太湖
扁舟踏浪不踏上沉沉玉柱闕仙扃
矯矯虹梁浮水府目力無窮天不盡
却笑向來誰縛汝

次韻溫伯夜坐今日忽得舍弟到杭消息喜見

於詞

長風吹月來影碎竹間牖良宵坐窘東
媿我塵外友平生煙霞興碑兀上南斗
頗亦契三三未省計九九迷塗入簿領
鄉心幾回首嗟予季行役舟拂漲溪柳
凌晨雙

石湖言集卷五
鵲鳴翫占得無咎何當從汝去履綦尋蕙畝

再次韻呈宗偉温伯

官居數椽間局促如瓮牖幸鄰詩酒社金薤對玉友真

清廊廟器偉望配山斗宗偉自號真清居士行當侍紫極槐棘位

三九館舍有奇士謂温伯高文粲參首倡酬猥及我雙松

壓孤柳生活從冷淡幸免譽與咎相從結此夏何異歸

隴畝

次韻温伯納涼

日斜猶畏暑吏退合偷閒霞散紅綃薄溪迴碧玉彎伴

人惟羽扇娛客欠風鬟且復哦新句相嘲飯顆山

雨涼二首呈宗偉

誰扶病客起龍鍾恩在盆傾一雨中問訊九關何路到

擬牋歡喜謝天公

驚雷隱地送涼颺起舞看山不自持說與騷人須早計

片雲催雨雨催詩

明日復雨涼再用韻二首

東山朝日澹冥濛一片雲生萬疊中宿雨未蘇焦卷盡

又煩箕井喚雷公

濺瓦排檐散萬絲顛狂風篠要扶持恩深到骨吾能報

急賦新涼第一詩

次韻慶充避暑水西寺

佳晨出西郭仰視天宇清樂哉曠士懷浩浩吞四溟新

一統志寶壽寺
杜徑和西江室舊
名以西寺

漲忽勇退籬落粘枯萍風幡招客遊曠望隔蘋汀僕夫
厲清深竹輿竦亭亭波翻石鑿落尚帶蛟龍腥華堂入
松竹德人占聚星脫帽飛羽觴頽放解天刑時當行火
令草腐亦化螢炎官紛陸梁空飛赤雲駟遙知隴上耘
暴背愁白丁茲遊豈易得未用歎沉冥

送滕子昭績溪罷歸

天馬西極來目力盡九寰執轡者誰歟墮此空谷間草
深石齧足一躍度孱顏長風送逸駕蕩蕩登虎關五雲
清都上白日開帝閑鈞陳動光彩球璫鏘轡環亦復念
舊羣依然歎駑頑紅塵起天末可望不可攀

石湖居士詩集卷五

石湖居士詩集卷六

次韻溫伯謀歸

官路驅驅易折肱官曹隨處是愁城隨風片葉鄉心動
過雨千峰病眼明一轡何須嘗世味寸田久已廢吾耕
羨君早作歸歟計屈指從今幾合并

次韻溫伯雨涼感懷

窮士病且飢古今同一流身安腹果然此外吾何求判
司誠卑官未免塵甑憂窮山更瘴暑憊卧不舉頭二物
交寇我生世真如浮晨朝墨雲作疾雷破山丘排檐忽
飛溜蛙蝮鳴相酬朱冠領熱屬橫潰輸一籌新涼蘇肺
氣踏濕登城樓好邀雲雨仙長袖按梁州吹水添瓶壘

淨洗千斛愁何從有此段冰廳冷如秋但覺詩思生爽
氣入銀鈎章成竟何用知能救窮不湯子亦旅食回望
家還羞倡予敢不和共作商聲謳

次韻子文雨後思歸

斷雲將雨洗松篁昨夜癡龍起蟄藏人自無情孤樂事
天猶有意作新涼尊前不見凌波襪樓下空聞拜月香
萬事安能盡如願且來相伴壓糟牀

次韻溫伯苦蚊

白鳥營營夜苦飢不堪薰燎出窓扉小蟲與我同憂患
口腹驅來敢倦飛

慶充自黃山歸索其道中詩書一絕問之

鳴騶如電馬如雷知是婆婆醉尉迴常日錦囊猶有句
況從三十六峰來

曉出古城山

落月墮眇莽殘星澹微茫竹輿亂清溪飛蓋入嵐光松
檜霧靄濕桑麻風露香空翠滴塵纓何必濯滄浪山家
亦早作迨此朝氣涼林深無人聲木末炊煙蒼離離瓜
芋區肅肅棗栗場田園古云樂令我思故鄉墟市稍來
集筠籠轉山忙吏事亦挽我歸路盤朝陽

李深之西尉同年談吳興風物再用古城韻

李侯昔遊吳蓮舟鏡蒼茫風鬟與霧髻共濯玻璃光采
花不盈舫日暮雲水香還登縹緲樓羅襟酒淋浪卷箔

納星月踏筵按伊梁安知有恨事但恐蒹葭蒼風吹落
窮谷草深麋鹿場高岡苦炎熱游子悲異鄉尚喜簡書
省期會無忽忙猶餘作詩苦消瘦如東陽

七月五日夜雨快晴

豐隆坎坎夜伐鼓靈湫老龍撇波舞寒雲掣電上清空
倒捲天潢作飛雨向來炎官作夏旱萬里彤霞烘玉宇
豈惟牛馬困蚊蟲壠上行人口生土我從雪浪葉舟來
不謂山城熱如許天公知我愁欲病施與一涼蘇逆旅
稍聞水繞屋除鳴不覺星從雲罅吐千山濯濯淨鬟髻
缺月娟娟炯眉嫵浮生此景萬事足但欠清歌對芳醕
天上秋期正多事趣駕星橋跨銀渚人間四者自難并

莫妒黃姑迎織女

次韻宗偉温伯

冉冉流光迫歲餘青林日夜向人疎雨滋巖桂重堆粟

新安木犀秋暮再花

風折庭蕉又獻書逋客解蘭思婉婉先生彈

缺厭清虛一塵不立渾輸我即境心安是故廬

宗偉新議婚温

伯病起無聊故有解蘭彈缺之語

再韻荅子文

浮生飽外莫求餘羈旅東來計已踈肩聳已高猶索句
眼明無用且繙書百年子莫占元緒萬法吾今付子虛
惟有登臨心未厭黃山聞道勝衡廬

道見蓼花

老桑呼龜為元
緒見劉敬梓異
苑

秋風裊裊露華鮮去歲如今刺釣船歎縣門西見紅蓼
此身曾在白鷗前

次韻溫伯種蘭

靈均墮荒寒采采紉蘭手九畹不留客高丘一回首崢
嶸路孔棘悽愴肘生柳遂令此粲者永與窮愁友不如
湯子遠情事只詩酒但知愛國香此外付烏有栽培帶
苔蘚披拂護塵垢孤芳亦有遇洒濯居座右君看深林
下埋沒隨藜莠

次韻子文

幻塵久已破狐涎身世誰能料鼠肝暮夜雨收千嶂出
晨朝風卷四維寬我今無事不如夢君豈有心猶覓安

但促小槽添壓石龍頭珠滴夜珊珊

次韻知郡安撫九日南樓宴集三首

雙旌暮捲小春容畫棟雲生笑語中但覺山光侵酒綠
不知日脚染溪紅控臨縹緲疑無地指點虛無欲馭風
誰遣玉蟾催騎吹歸來人影在朦朧

珠履參陪北海觴仍邀擁節舊中郎碧城香霧連天暝
黃葉霜風捲地涼佳節轉頭論聚散清波從古閱興亡
明年重把茱萸醉公在叢霄貢玉堂

斯民鄒魯更豐年雅道淒涼見此賢萬隴登禾新霽色
千村鳴柝舊寒煙鏘金絕世詩情妙倚劒凌空隸墨鮮

太守新題
南樓榜
珍重北窓山六六使君名與汝俱傳

莊子至樂若蓬
擬非消分精觀
於冥伯之邱像而
物生其左肘

晚集南樓

浪隨兒女怨萍蓬笑拍闌千萬事空宇宙勲名無骨相
江山得句有神功掉頭莫覩秋高鶚留眼來賓日暮鴻
懶拙已成三昧解此生還證一圓通

賞雪騎鯨軒子文夜歸酒渴侍兒薦茗飲蜜漿
明日以詫同游戲爲書事邀宗偉同作

溪山四時佳今夕更竒絕天公妙莊嚴施此一川雪飛
花浩如海眩轉塞空闊水西萬珠樹玉塔照銀闕碧溪
不受凍長灘瀉清咽漁舟晚猶汎樵檐寒未歇懸知畫
不到未省詩能說歸來強搜句冰硯冷於鐵不知嚴夫
子迎門生煖熟梅香不可耐梅即侍兒小名但覺酒腸燭蜜融

花氣動茶泛乳膏發寧辭春筍寒爲暖花甌滑曹騰畫
屏暖喚起眼餘纈笑我獨何事作此淡生活想像高唐
賦何如徑排闥

從聖集乞黃巖魚鮓

截玉凝膏膩白點酥粘粟輕紅千里來從何處想看舶
浪帆風

從宗偉乞冬筍山藥

竹塢撥沙犀頂銳藥畦粘上玉肌豐裹茅束緼能分似
政及菜蕪甑釜空

雪後守之家梅未開呈宗偉

瓦溝凍殘雪檐溜粘輕冰破寒一竿日春隨人意生瑞

宋史色極傳
人言其笑比黃
河清

葉再三白南枝尚含情定知司花女未肯嫁娉婷官居
苦無賴一笑如河清落木露荒山寒溪繞孤城朝暮何
所見雲黃叫飢鷹東風不早計愁眼何當明北鄰小橫
斜蘚地可班荆憑君趣花信把酒撼瓊英

次韻温伯城上

閉戶成癡坐扶藜得意行樓臺浮霽色市井碎春聲雪
盡小橋出煙消千嶂生病多無脚力遥羨落鴻輕

知郡安撫以立春日揭所書新安郡榜南樓之
上曉雪紛集邦人以為善祥遂開宴以落之輒
賦長句一篇以附風謠之末

碧瓦朱甍上牛斗妙墨新題森鎖鈕使君筆力挽春來
一夜飛花暗梅柳南山與樓相對高向來千載爭雄豪
八分三字一彈壓衆峰戢戢如兒曹人間盛事天不隔
急催此雪成三白未論千古福邦人先卜明年滿岡麥
東風酒面吹凝酥不辭醉倒歸相扶短歌萬一傳樂府
湛輩亦與公名俱

次韻知郡安撫元夕賞倅廳紅梅三首

春入林梢一再風破寒勻染費天工雖然媚蕩新粧別
只與橫斜舊格同午枕乍醒鉛粉退曉奩初罷蠟脂融
後來顏色休論似夾路漫山取次紅

真色生香絕世逢煙光池面兩溶溶楚鄰不待施朱好
號國翻嫌傅粉濃晴日暖雲春照耀温風霽月夜春容

酒闌且駐紗籠看慢破團團一壁龍

司花一笑為誰開知道朱幡得得來踈影有情當洞戶

薦香無語墮空杯風生翰墨留連看月入笙歌次第催

來歲如今翻舊唱五雲叢裏望三台

新安絕少紅梅惟倅廳特盛通判朝議召幕僚

賞之坐皆有詩亦賦古風一首

華燈收盡江梅落別有橫枝照林薄天教閨苑染芳根

小住山城慰蕭索騰騰醉後酒紅醺淡淡粧成笑靨新

斟酌東君已傾倒為渠都費十分春別乘胸懷有風月

催喚清尊洗愁絕花知主客得不凡一夜光風融絳雪

樓頭煙暝吹單于花梢挂星光有無歸來境熟落春夢

夢入鎖香紅綺疏

胡宗偉罷官改秩舉將不及格往謁金陵丹陽

諸使者遂朝行在頗有倦游之歎作詩送之

凍雲埋山天冥濛北風無情雪塞空道傍人稀鳥飛絕

問君東遊何忽忽君言薄官淡無味免俗未能聊復爾

我評茲事一鴻毛因行且看佳山水陵陽樓閣壓高城

煙屏百疊雙流橫宣城疊嶂樓雙溪閣姑孰江亭更奇絕濃黛兩

抹長眉青當塗蛾眉亭望東山形成龍復成虎六代遺

蹤供弔古謂金陵鍾大荒莽蒼江水黃兩涘風煙眇吳

楚賞心亭却浮一葦下長川浮玉低昂波聒天長蘆

寺浮玉山也陽金山也梁溪南岸小停櫓一酌人間第二泉無錫惠

宋制遊人官
滿揮系破舟
酒筆主五人
乃及格

輿地紀勝臺峰樓
立甬國正以重威通
中制史獨孤寒建業
溪閣生空以取苑句
水以爲名
輿地紀勝有郭祥
牙石轍用字詩

泉閨門峨峨過吾國

姑蘇僕故里閨門北門也

姑蘇臨波照金碧太

湖三萬六千頃上有垂虹跨南極

吳江長橋三高亭鴟夷子在焉我家

越相尚神遊試從煙浪訪扁舟問訊白鷗相記否謂言

久客不勝愁軟紅三尺長安道九重城闕乾坤繞西湖

山寺浙江樓君昔曾遊今更好故人客館中天開非君

誰上黃金臺挽着天衢五雲上却望江湖如夢迴萬境

何如一丘壑幾時定解冠裳縛幔亭山下桂叢深清社

向來都寂寞

幔亭清社皆宗偉舊隱故事

黃伯益官舍賞梅

一杯何處洗愁顏黃法曹家玉樹寒翠袖撚香留客看

春風都在小闌干

次韻朱嚴州從李徽州乞牡丹三首

佳人絕世墮空谷破恨解顏春亦來莫對溪山話京洛

碧雲西北漲黃埃

歛浦煙山蟠萬疊釣臺雲日擁千章兩侯好事洗寒

寶檻移春入燕香

閨風苑裏司花女肯作山腰水尾來十二玉欄天一笑

只今歸路五雲開

時傳使君有召命

送琴客許揚歸永嘉

烏帽休衝九陌埃瘦藤定約到秋迴龍湫鴈蕩經行處

斷取松風萬壑來

送李徽州赴湖北漕

祖徠千丈松閱世聳絕壁高標上霄漢峻節貫金石惟
有孤生竹亭亭附微植月夜借清景春朝分秀色託根
未渠央萬牛挽山澤昂藏轉江湖夷路入王國明堂五
雲上一柱屹天極可望不可攀清都與塵隔依然此清
士空山淡愁閒悲吟發清籟搖蕩風雨夕

送通守林彥強寺丞還朝

鴈蕩之山天下無奔岸絕壑不可圖地靈境秀有人物
新安府丞今第一紛綸草木變暄寒竹節松心故凜然
窮山薄宦我無恨識公大勝荊州韓梅風漲溪綠如酒
曉插檣鳥上南斗只今廣廈論唐虞斟酌正須醫國手
秀眉津津雙頰丹想看鳴佩翔九關諸公倘欲持公議

莫遣此賢思故山

送溫伯歸福唐納婦且約復游雪川

攬秀堂前一笑傾都忘身世兩浮萍扶藜處處從君賞
落筆時時得我驚荔熟閩山勞夢想蘋香茗水約逢迎
祇愁誤入桃源後從此車輪四角生

次韻宗偉閱番樂

十日間愁晝掩闕起尋一笑共清歡罷休詩社工夫淡
洗淨書生氣味酸盡遣餘錢付桑落莫隨短夢到槐安
繡鞞畫鼓留花住賸舞春風小契丹

題漫齋壁

漢陰無械可容機歲晚功名一衲衣槁木間身隨念懶

浮雲幻事轉頭非三彭已罷庚申守五鬼從教乙丑歸
富貴神仙兩俱累此心安處是真依

四月十六日挂笏亭偶題

轉午聞雞日正長小亭方丈納空光綠陰一雨濃如黛
何處風來百種香

次韻即席

留連銀燭照金荷腸斷華年一擲梭月姊有情難獨夜
天孫無賴早斜河晶晶霜瓦寒生粟袞袞風幃細湧波
鵲鵲曉啼鳴鵲散許多佳景奈愁何

五月間鶯二首

桑陰淨盡麥頭齊江上聞鶯每歲遲不及曉風鴨鴟子

迎春啼到送春時

一聲初上最高枝忙殺嘔啞百舌兒老盡西園千樹綠
却憐槐眼正迷離

知郡檢計齋醮禱雨登時感通輒賦古風以附

輿頌

六月火雲高偃蹇使君有意憐焦卷一封紅篆驛金龍
雨氣倏隨爐燎滿風師避路雷車鳴石破天驚檐溜傾
不知稻本頗甦否但覺溪聲如百霆稅駕朱幡未云久
造化功成屈伸肘我評茲事與天通知公小試調元手
清壇深夜賓衆真前驅霓旌後飈輪定有靈官識仙伯
報道紫皇思侍臣

石湖居士詩集卷六

盡山如欲風軒相在宿茲事與天賦
不映餘本融搜否臥覺窮簷吐百
雨屋新圓熱熱風雨相逐雷車
六月火雲高對裏外
與

石湖居士詩集卷七

送子文雜言

陰谷雲低梅雨多
黃山滌源溪湧波
南風匝地送歸客
雙槩下瀨如投梭
嚴夫子君舉酒我其為
君歌萬山叢
叢石鑿鑿官居破
屋巢煙蘿
杜鵑曉啼猿暮叫
客行到此真蹉跎
窮愁無復理一飯
三歎息
城東黌舍有佳人
解后使我加餐食
同鄉更同調
目擊心已傳
蟄蟲欲作雷
奮地萬籟方寂
風行山吹竽
喚我醒連鼓
相追攀
飈車電轂不可
輩但覺兩腋生
飛翰狂歌不必
終曲戲奕不必
滿局有時不揖
上馬去出門大
笑驚僮僕窮鄉
眼冷見未曾道
上囁嚅相指目
云此陘隘何以
有二士直

子與紀要新館
鎮在徽州府
三十里名勝志案
置官權任一所

江南通志臨溪
溪在休甯縣
都天有明溪市

在溪溪南三十里
志詳氣

恐翩翩跨黃鵠廣文組解登王畿諸公貴人爭勸歸常
日心期有定論贈行不惜重費詞腰金佩璐衆目好汗
簡沉碑千載癡一尊有意重山嶽五鼎無心輕網絲嚴
夫子應領略別後頻書相發藥我既為萬頃之狎鷗君
勿作九臯之鳴鶴同儕更同歸日華公心新堂盡於此
新館
露稻粘明璫風茅袞高浪荒煙暗白道行行亂蛩響日
脚午未吐雲頭晚猶漲欣此半日涼籃輿走清曠病客
不堪暑茲行天肯相蚊蟲掃無跡秋意滿千嶂稍尋泉
石盟略褫簿書障鴿原定相念因風報無恙

臨溪寺

萬山繞玲峴二水奔瀕洞亭亭林中寺金碧燦欄棟解
鞍得蒲團卧受瓦爐供少捐一炊頃暫作百年夢無人
自驚覺幽禽正清哢倦客如殘僧無力供世用此行端
為山紫翠迭迎送漱井出門去驚塵撲飛鞚

盤龍驛

聞雞一唱罷占斗三星沒天高月徘徊野曠山突兀暗
蛩泣草露怨亂語還咽涼螢不復舉點綴稻花末惟餘
絡緯豪悲壯殷林樾小蟲亦何情孤客心斷絕魂驚板
橋穿足側石子滑行路如許難誰能不華髮高城謾回
首疊嶂屹天闕遙知秋衾夢千里一飄忽

竹下

與地紀勝
在休甯縣西

一百一十里地
阮筆堂置巡司

松杉晨氣清桑柘暑陰薄稻穗黃欲卧槿花紅未落秋
鶯尚嬌姹晚蝶成飄泊犬駭逐車馬雞驚撲籬落道逢
行商問平生幾芒屨頰肩走四方為口不計脚劣能濡
簞瓢何敢議囊橐我亦縻斗升三年去丘壑二俱亡羊
耳未用苦商略
寒亭古十三星
天高月掛
溝塍與澗合隴畝抱山轉向來六月旱此地免焦卷早
穗已垂垂晚苗猶剪剪一川豐年意比屋鬪雞犬老農
霜須鬢矍鑠黃犢健自云足踏地常賦何能免刈熟倩
人輸不識長官面康年無復事但恐社酒淺我亦有二
頃收拾尚可繭懷哉笠澤路歸鋤犁頭藪

清逸江

微生本漁樵長日渺江海扣舷濯滄浪尚說天宇隘竭
來車馬路悒悒佳思敗黃塵撲眉鬚驅逐似償債羸驂
繫偏仄狂犬吠荒怪鄉心入旅夢一葉舞澎湃晨興過
墟市喜有魚鰕賣眼明見清江積雨助橫潰褰裳喚扁
舟艤碇不勝載不辭野渡險弄水聊一快

隱靜山

杯渡師道場

五峰抱巖扉千柱奠雲壑荒原蕞爾縣有此寶樓閣維
昔經營初衣錫化雙鶴杖頭具隻眼矯矯雲中落尊者
一笑許璇題照林薄庭柏有祖意石泉韻天樂清簧轉
碧雞飛梭擲蒼鵲號風飢虎怒失木啼猿愕英遊偶然

清逸為作書
才與他要書
在甯國方有法
未三十至自徑和
嘗溪會泉人初家

與此以孫甯園
仙釋以杯渡著
今以錫擲地也
五峰石上遂留
隱靜山即其處也

才與地要新
在徽州有休甯
西有七十

三任印新
江西

紹興
三任印新
江西

同吏檄乃不惡題名記吾曾醉墨芥丹堊

新嶺

瘦馬兀普騰荒雞號莽蒼絲窠罨朝露籬落萬珠網宿
雲拂樹過飛泉擘山響老桑跼潛蚪怪蔓掛騰蟒山行
何許深空翠滴羈鞅釀愁積雨寒破悶朝日放瞳瞳赤
幟張昱昱金鉦上浮動草花馥清和野禽唱僕夫有好
語沙平路如掌惟憂三溪阻橋斷山水漲

送通守趙積中朝議請祠歸天台

城頭千峰青繞屋城下灘流三百曲誰云偏仄復偏仄
尚有高軒肯來辱紅梅花下兩芳春春風惠和如主人
搶攘塵土簿書裏見此縑籍天球温厚祿故人車結轍

掉頭獨泛清溪月不從世外得超然世間誰肯如公決
生平我亦一沙鷗葦白蘆黃今正秋送公使我歸思動
破煙衝雨憶扁舟明年想見東山起我亦煎茶石橋水
道逢蓑笠把漁竿即是馬曹狂掾史

送詹道子教授奉祠養親

新安學宮天下稀先生孝友真吾師斑衣悞作長裾曳
二年思歸今得歸棧詞上訴人叵挽璽書賜可羣公歎
青山百匝不留人空與諸生遮望眼白雲孤起越南天
向來恨身無羽翰下馬入門懷橘拜身今却在白雲邊
鶴髮鬢鬢堂上坐兒孫稱觴婦供果世間此樂幾人同
看我風前孤淚墮一杯送舟下水西我欲贈言無好詞

南榮越重研西見
聯見莊子康原林
跡後白簡 列子黃
第列子師者高氏
手之後夫子此一解
而後

與地係務相江晏
新要云在桐底北
源生天目山即桐底

一統志初卷杜
巖於高桐底
西高

與地係務相
一統志初卷杜
巖於高桐底
西高

徑須喚起東廣微為君重補南陔詩

道子教授奉祠諸生率余祖席如意院

暫移三席欵雲關木末闌干暮紫間絳帳莫貪江上路
青鞵先試水西山伯陽有道來重趼禦寇他年憶解顏
怪我抗塵驅俗駕諸公何事許追攀

淳安

以後十五首
檄嚴杭道中

與地係務淳安在莊前西一五字

篙師叫怒破濤瀧水石如鐘自擊撞欲識人間奇險處
但從歎浦過桐江

嚴州

舟人云自徽
至嚴二百灘

城府黃塵撲馬鞍一篙重探水雲寒耳邊眼底無公事
睡過嚴州二百灘

釣臺

臺上題詩甚多其最膾炙者曰世
祖功臣二十八雲臺爭似釣臺高

山林朝市兩塵埃邂逅人生有往來各向此心安處住
釣臺無意壓雲臺

桐廬

濕雲垂野淡疎林十日山行九日陰梅子弄黃應要雨
不知客路已泥深

富陽

不到江湖恰五年歛山青繞屋頭邊富春渡口明人眼
落日孤舟浪拍天

餘杭

春晚山花各靜芳從教紅紫送韶光忍冬清馥薔薇醞

薰滿千村萬落香

於潛

俚語云於潛見亦怕

邑居官寺兩淒清
晚市都無菜可羹
何處直能令鬼怕
祇今猶自有人行

昌化

雙溪館絕景也

翠染南山擁縣門
一洲橫截兩溪分
長官日永無公事
卧聽灘聲看白雲

百丈山

壽聖寺僧房甚雅潔去王千嶺尚六十里

沐雨梳風有底忙
解鞍來宿贊公房
傳聞三嶺連天峻
未到王千已斷腸

昱嶺

在餘杭東南百十里接杭州界但和界通志山名向在餘杭界今屬杭州界

竹輿搖兀走婆娑
石滑泥融側足過
昱嶺不高人已困
晚登新嶺奈君何

王千嶺

山靈設險合崢嶸
行客何須向此行
羸馬不前人雨汗
此身安得諱勞生

刈麥

麥熟連雨妨刈老農云得便晴即大獲不爾當減分數

麥頭熟顆已如珠
小阮惟憂積雨餘
句我一晴天易耳
十分終惠莫乘除

尚論插秧

種密移疎綠毯平
行間清淺縠紋生
誰知細細青青草
中有豐年擊壤聲

二統志當志上係在
杭州府昌化縣西六十
十里東接西和縣北
至方尾溪又東至
西山下有晚溪徑
初名為黃溪亦名
水今南此區以
咸宜竹與志易
化於者一百十步
新方記則云和
溪多自北接石
溪館巨筒向新
先長惟此步為
徑遠言上則
已黃向向

曬繭

俗傳葉貴即蠶
熟今歲正爾

隔離處處雪成窩
牢閉柴荆斷客過
葉貴蠶飢危欲死
尚能包裹一絲窠

科桑

斧斤留得萬枯株
獨速槎牙立暝途
飽盡春蠶收罷繭
更殫餘力付樵蘇

龍學尚書新安侯羅公挽詞二首

汝楫

今代丹臺籍頻年
綠野居鐵冠真御史
革履舊尚書短
世浮雲盡平生半稿餘
人言公不朽蘭玉照前除
一昨更調瑟如聞欲賜環
途殫泣西狩望絕起東山
華屋林霏慘新阡草露班
春風埋玉淚重為庾公潛

宋史羅以哲傳
有殿中侍御史
十餘年
長流
遷更部
計國
新行
居長

龍學侍郎清河侯張公輓詞二首

白水名多士清河最有聲
人危孔北海帝識柳宜城
蜀險談間固蠻訶到平凌
煙何處在風雨上銘旌
太息逢萋錦平生付薄冰
滄溟淙赤舌白日照青蠅
嶽麓身猶健星維馭已升
天如遺一老人亦望三登

新安侯夫人俞氏輓詞

蚤兆于凰卜來嬪駟馬車
夫君宜竹帛子舍各詩書
露薤丹旌舉風楊組帳虛
空餘彤管訓他日照鄉閭

次韻甄雲卿晚登浮丘亭

賓筵舊壓三千客燕榭新高十二城
潑墨雲頭連樹暗垂絲雨脚過溪生
葛巾羽扇吾身健雪椀冰甌子句清

從此相從須痛飲故應此事勝公榮
寶鏡書古風上知府秘書二首

神仙絕世立功行聞清都玉符賜長生籟雲遊紫虛雞
犬爾何知偶舐藥鼎餘身輕亦仙去罡風與之俱俯視
舊籬落眇莽如積蘇非無鳳與麟終然侶蟲魚微物豈
有命政爾謝泥塗時哉適丁是邂逅真良圖

大鵬上扶搖南溟聒天沸斥鷃有羽翼意滿蓬蒿裏不
如附驥蠅掣電抹荆薊誰云極么麼俛仰且萬里向來
庭戶間決起不踰咫飄飄托方便意氣乃如此物生未
可料旦暮倘逢世君看功名場得失一交臂

拄笏亭晚望

林泉隨處有清涼山繞闌干客自忙溪雨不飛虹尚飲
亂蟬高柳滿斜陽

乳灘

徽嚴之間灘如竹節
乳灘之險居第一

清溪可怖亦可喜造化於人真虐戲轟雷捲雪鬢成絲
一擲平生來此試險絕無雙是乳灘舟如滾石下高山
畫樓正倚黃昏雨豈識江間行路難

浮丘亭

知郡秘書新作以望黃山有浮丘
容成峰浮丘公容成子之所遊也

黟山鬱律神仙宅三十六峰雷雨隔碧城欄檻偃雙旌
笑挹浮丘爲坐客巖扉無鎖晝長開紫雲明滅多樓臺
雲中仙馭參差是肯爲使君乘興來西崑巉絕不可至
東望蓬萊愁弱水誰知芳草徧天涯玉京只在珠簾底

新安志洪述以
初李德裕與二
李六子任徽州

他年麟閣上清空却訪舊遊尋赤松我亦從公負丹鼎
來斲砂牀汲湯井朱砂峰溫泉皆在黃山黟山即黃山

風月堂

章倅新作洪守名而記之

天風無邊吹海月景入溪山更奇絕太守文章別乘賢
平生付與金杯滑門闌我亦似彭宣想聞橫玉叫蒼煙
讀碑索句仍投轄誰是揚州控鶴仙

寄贈泉石使李元直入覲

漢圖昔中天百六啓真主當時鄧高密徒步赴光武諸
公上雲臺一葉渺湘浦聲名三十年玉氣貫晴宇向來
宣室問天語道舊故不圖太平日復見起兵簿雙旌真
侯服三節臨江滸垂欲大用公少駐議園府人言山澤

官底用廟廊具果聞一乘傳已踵追鋒去翔鳳覽輝來
風采照鴛鷺平生經濟心十不一二吐茲行公勿遜安
國如鼎呂

休寧

南街豪郡城東圃壓州宅誰云沸鑊地氣象不偏仄林
園富瓜筍堂密美杉柏山醪極可人溪女能醉客吳子
邑中彥毫端萬人敵傳杯相勞苦不覺東方白吳益恭豪士也

祁門

石梁平波心金刹駕巖腹溪藤卷霜繒山骨琢紫玉東
堂有嘉名窈窕窓紗綠落花埽無迹蕉葉森似東主人
甚愛客挽袖語陸續衝雨出門去役役媿童僕

輿地紀勝云洪述以
地理志云祁門中
有石梁平波心
金刹駕巖腹
溪藤卷霜繒
山骨琢紫玉
東堂有嘉名
窈窕窓紗綠
落花埽無迹
蕉葉森似東
主人甚愛客
挽袖語陸續
衝雨出門去
役役媿童僕

輿地紀勝卷之五
靈山口
陵高類登天斗下劇窺井衡從十里近底用許多嶺秋
雨釀春泥掀淖力扛鼎僕夫負隅哭邂逅憂性命舊嗤
子猷狂夜半槩歸艇方知興盡處頃步令人瘦
浮梁
輿地紀勝卷之五
靈山口
陵高類登天斗下劇窺井衡從十里近底用許多嶺秋
雨釀春泥掀淖力扛鼎僕夫負隅哭邂逅憂性命舊嗤
子猷狂夜半槩歸艇方知興盡處頃步令人瘦
浮梁

靈山口

陵高類登天斗下劇窺井衡從十里近底用許多嶺秋
雨釀春泥掀淖力扛鼎僕夫負隅哭邂逅憂性命舊嗤
子猷狂夜半槩歸艇方知興盡處頃步令人瘦
浮梁
輿地紀勝卷之五
靈山口
陵高類登天斗下劇窺井衡從十里近底用許多嶺秋
雨釀春泥掀淖力扛鼎僕夫負隅哭邂逅憂性命舊嗤
子猷狂夜半槩歸艇方知興盡處頃步令人瘦
浮梁

浮梁

輿地紀勝卷之五
靈山口
陵高類登天斗下劇窺井衡從十里近底用許多嶺秋
雨釀春泥掀淖力扛鼎僕夫負隅哭邂逅憂性命舊嗤
子猷狂夜半槩歸艇方知興盡處頃步令人瘦
浮梁

番陽湖

淒悲鴻鴈來泱泱魚龍蟄雷霆一鼓罷星斗萬里濕波
翻漁火碎月落村春急折葦已紛披衰楊尚僵立長年

畏簡書今夕念篋笠江湖有佳思逆旅百憂集

回黃坦

渥丹楓凋零濃黛柏幽獨畦稻晚已黃陂草秋重綠平
遠一橫看浩蕩供醉日落帆金碧溪嘶馬錦繡谷世界
真莊嚴造物極不俗向非來遠遊那有此奇曠

桑嶺

回腸山百盤揮手天一握俯驚危棧穿仰詫飛石落挽
輿如挽舟絕叫斷雙笳怪蔓纏枯槎瘠草被幽壑此豈
車馬路誰云強刊鑿人言遠遊好呼來試着脚

天都峰

黃山

維帝有下都作鎮此南國孤撐紫玉樓橫絕太霄碧晶

石湖言集卷七
熒砂竇紅天矯泉紳白晴雲無盡藏竟日裊幽石諸峰
三十五離立侍傍側會稽眇小哉請議職方籍

車馬谷溫泉

黃山朱砂峰下

砂牀毓靈源石液漱和氣鬱攸甌常蒸臍沸鼎百沸人
生本無垢安用滌腸胃一瓢灑清肥回首謝羅爵山深
人跡罕政以遠為貴君看華清池談者至今諱

石湖居士詩集卷七

